



KABINET DIREKTORA

Broj: 01- 18- _____/05

Datum: _____ 2005. godine

Na osnovu člana 7. stav 1. i 2. i člana 8. stav 1. Zakona o sistemu indirektnog oporezivanja u Bosni i Hercegovini ("Službeni glasnik BiH", broj 44/03 i 52/04) i člana 61. stav 2. Zakona o upravi ("Službeni glasnik BiH", broj 32/02), direktor Uprave za indirektno oporezivanje d o n o s i

U P U T S T V O

O POPUNJAVANJU CARINSKE PRIJAVE PODNIJETE U PISANOM OBLIKU I KORIŠTENJEM TEHNIKE OBRADE PODATAKA I ZBIRNE PRIJAVE

GLAVA I - OPŠTE ODREDBE

Član 1. (Predmet)

- (1) Ovim uputstvom bliže se propisuje:
- način popunjavanja carinske prijave u pisanom obliku na obrascu jedinstvene carinske prijave - JCI i kontinuiranom BIS obrazcu kao sastavnom dijelu JCI-a na koji se odnosi (u daljem tekstu: prijava),
 - način popunjavanja carinske prijave podnijete korištenjem tehnike obrade podataka (u daljem tekstu: DTI prijava),
 - obrazac i način popunjavanja zbirne prijave i
 - odgovarajuće šifre za popunjavanje carinske prijave.
- (2) Carinske prijave propisane su slijedećim odredbama:
- carinske prijave u pisanom obliku:*
 - članom 59. - 74. Zakona o carinskoj politici ("Sl. glasnik BiH", broj 57/04, u daljem tekstu: Zakon),
 - članom 106. - 128. Odluke o provedbenim propisima Zakona o carinskoj politici BiH ("Sl. glasnik BiH", broj 63a/04, u daljem tekstu: Odluka),
 - Prilogom 15 Odluke (Objašnjenje o popunjavanju prijava sa pozivanjem na članove Odluke: 107. - 119.; 123. - 162.; 176. - 177.; 183. - 189.; 314. - 401.),
 - Prilogom 16 (Obrazac JCI - set od osam primejraka, član 115.-122.),
 - Prilogom 17 (Obrazac JCI - kombinovani set, član 115. - 122.),
 - Prilogom 18 (Kontinuirani (BIS) obrazac, član 115. - 122.),
 - Prilogom 19 (Kontinuirani (BIS) obrazac, član 115. - 122.),
 - Prilogom 20 (Šifre koje se koriste u obrascima JCI, član 120.),
 - Prilogom 21 (Označavanje primjeraka obrazaca iz Priloga 16 i 18 na kojima bi se podaci trebali pojaviti postupkom samokopiranja (član 122.),
 - Prilogom 22 (Označavanje primjeraka obrazaca iz Priloga 17 i 19 na kojima bi se podaci trebali pojaviti postupkom samokopiranja (član 122.),
 - Prilog 30 (Objašnjenje uz tovarnu listu, član 224. - 256.),
 - Prilog 31 (Tovarna lista, član 224. - 256.),
 - Prilog 55 (Šifre zemalja i valuta),

- b) *carinske prijave koje se podnose korištenjem tehnike obrade podataka:*
 - 1) članom 58. stav 1. tačka b) i članom 74. Zakona i
 - 2) članom 129. -131. Odluke,
- c) *carinske prijave koje se podnose usmenim putem ili na drugi način:*
 - 1) članom 58. stav 1. tačka c) Zakona i
 - 2) članom 132. - 145. Odluke,
- d) *pravila za provođenje postupka prenosa robe ili proizvoda od jednog do drugog imaoca (nosioca) odobrenja bez prekidanja postupka:*
 - 1) članom 309. - 312. Odluke i
 - 2) Prilogom 46 (Prenos robe ili proizvoda obuhvaćenim aranžmanima od jednog imaoca do drugog).

GLAVA II - UPOTREBA PODSETOVA PRIJAVE

Član 2.

(Upotreba podsetova prijave)

(1) Prijava se podnosi u podsetovima sa određenim brojem primjeraka potrebnih za provođenje carinskog postupka u koji se roba stavlja, koji se uzimaju iz:

- a) kompletnog seta od osam primjeraka 1, 2, 3, 4, 5, 6, 7 i 8, iz Priloga 16 (JCI obrazac) i Priloga 18 (BIS obrazac) Odluke, ili
- b) dva seta od po četiri dvonamjenska primjerka 1/6, 2/7, 3/8 i 4/5, iz Priloga 17 (JCI obrazac) i Priloga 19 (BIS obrazac) Odluke.

(2) Svaki primjerak dvonamjenskog kompleta može se koristiti alternativno. Neupotrebljavani broj na primjerku JCI mora biti precrtan (npr. primjerak 1/6 ako se koristi za izvozne postupke na istom se precrtava broj 6 ili obrnuto ako se taj primjerak koristi za uvozne postupke tada će biti precrtan broj 1). Komplet od osam primjeraka može nadomjestiti dva dvonamjenska kompleta od četiri primjerka prijave.

(3) DTI prijave za postupak provoza, za izvozne postupke i za uvozne postupke za vozila koja podliježu obaveznoj godišnjoj registraciji štampaju se na obrascu JCI, u broju primjeraka potrebnih za te postupke.

(4) DTI prijave za uvozne postupke deklarant može odštampati na obrascu JCI u broju primjeraka potrebnih za zahtjevani uvozni postupak ili na bijelom papiru sa potpisom i ovjerom deklaranta. Ako se DTI prijave štampaju na obrascu JCI vrijeme puštanje robe se navodi na JCI, a ako se DTI prijave štampaju na bijelom papiru vrijeme puštanje robe je vrijeme kada je deklarantu poslana otpremnica. Otpremnica je obavijest da je zahtjevani carinski postupak završen. Ogladni obrazac otpremnice dat je u Prilogu I ovog uputstva.

(5) Za određeni carinski postupak ili kombinacije carinskih postupaka, mogu se koristiti djelimični podsetovi prijave (JCI i BIS obrasca), koji se sastoje od primjeraka potrebnih za provođenje odgovarajućeg postupka i to kako je navedeno u članu 3. do 6. ovog uputstva.

Član 3.

(Upotreba podsetova prijave u prevoznom postupku)

(1) Ako se roba deklarira samo za prevozni postupak, za sve pošiljke u jedinstvenom prevoznom sredstvu podnosi se jedan ili više podsetova prijave, koji se sastoji od:

- e) primjerak 1, za polazni ured,
- f) primjerak 4, za odredišni ured,
- g) primjerak 5, za potvrdu istupa, odnosno prijema robe.

(2) Primjerak 1 zadržava polazni ured za potrebe kontrole.

(3) Primjerak 4 i 5 polazni ured, zajedno s robom, upućuje odredišnom uredu. Prevoznik je dužan primjerke 4 i 5 predati odredišnom uredu, koji, poslije prijema robe i kontrole, ovjerava te primjerke, te zadržava

primjerak 4, a na primjerku 5 potvrđuje prijem/istup robe polaznom uredu, ako potvrdu prijema/istupa nije moguće izvršiti u informacionom sistemu Uprave za indirektno oporezivanje (u daljem tekstu: Uprava).

Član 4.

(Upotreba podsetova prijave u izvoznom postupku)

(1) Ako se izvozni i provozni carinski postupak provode odvojeno, za svaku pošiljku kod izvoza podnosi se podset prijave, koji se sastoji od:

- a) primjerak 1, za izvozni ured,
- b) primjerak 2, za obradu podataka u statističke svrhe,
- c) primjerak 3, za izvoznika.

(2) Primjerke prijave koriste:

- a) primjerak 1 zadržava izvozni ured, zajedno sa ostalim priloženim dokumentima,
- b) primjerak 2 zadržava izvozni ured za obradu podataka,
- c) primjerak 3 izvozni ured vraća deklarantu/zastupniku nakon puštanja robe u izvozni postupak.

(3) Odredbe stava (1) i (2) ovog člana, primjenjuju se i na postupak ponovnog izvoza, privremenog izvoza, vanjske obrade i postupke kod kojih su u prvoj potpodjeli polja 37 prijave prve dvije cifre "95" ili "96".

(4) Ako se za postupak provoza koristi TIR karnet, za izvoz robe podnosi se podset izvozne prijave kojeg čini primjerak 1, 2 i 3.

Član 5.

(Upotreba podsetova prijave u zajedničkom izvoznom i provoznom postupku)

(1) U zajedničkom carinskom postupku izvoza i provoza, za svu robu koja se prevozi u jedinstvenom prevoznom sredstvu, podnosi se istovremeno: podset prijave za postupak izvoza i jedan ili više podsetova za postupka provoza, koji podsetovi se sastoje od primjeraka prijave i koriste se kako je navedeno u članu 3. i 4. ovog uputstva.

(2) Priprijetanjem provodne prijave razdužuje se izvozna prijava koja je obuhvaćena dotičnom provodnom prijavom, nakon čega se može osloboditi garancija kojom je bio obezbijeđen eventualni carinski dug za robu koja je izvozno ocarinjena po toj izvoznj prijavi, jer obaveze za eventualni carinski dug prelaze na korisnika postupka provoza u koji je ta roba stavljena. U polju 40 provodne prijave upisuju se podaci o izvoznj prijavi, a u polju 31 obavezno se unosi naznaka: "Obavezan izvoz". U svim primjercima izvozne prijave, u polju B, izvozni ured će staviti naznaku: "Roba je stavljena u postupak provoza po TR prijavi broj od).

Član 6.

(Upotreba podsetova prijave u postupcima pri uvozu)

(1) Ako se roba deklariše za carinske postupke pri uvozu: stavljanje robe u slobodan promet, carinsko skladištenje, unutrašnju obradu, obradu pod carinskom kontrolom, privremeni uvoz i uništenje robe pod carinskim nadzorom, podnosi se podset prijave, a sastoji se od:

- a) primjerka 6, za uvozni ured,
- b) primjerka 7, za obradu podataka u statističke svrhe,
- c) primjerka 8, za uvoznika/primaoca robe.

(2) Primjerke prijave koriste:

- a) primjerak 6 zadržava uvozni ured, zajedno sa ostalim priloženim dokumentima,
- b) primjerak 7 zadržava uvozni ured za obradu podataka,
- c) primjerak 8 uvozni ured vraća deklarantu/zastupniku nakon puštanja robe u zahtjevani uvozni carinski postupak.

GLAVA III - POPUNJAVANJE POLJA PRIJAVE OZNAČENIH BROJEVIMA ZA IZVOZNE POSTUPKE I POSTUPAK PROVOZA

Član 7.

(Polja prijave koja se popunjavaju za postupke: izvoz,
vanjska obrada, privremeni izvoz, ponovni izvoz i provoz)

(1) U prijavi za *izvozne postupke* (izvoz, vanjska obrada, privremeni izvoz i ponovni izvoz) popunjavaju se polja označena brojevima: 1, 2, 3, 5, 6, 7, 9¹, 14, 17, 17a, 18, 19, 21, 22, 23, 24, 25, 31, 32, 33, 35, 37, 38, 40, 41, 44, 46, 47², 49³ i 54.

(2) Kada postupak *ponovnog izvoza razdužuje postupak carinskog skladištenja* tada se u izvoznoj prijavi popunjavaju ona polja koja se popunjavaju za postupak carinskog skladištenja.

(3) U prijavi za *provozni postupak*, popunjavaju se polja označena brojevima: 1, 2, 3, 4, 5, 6, 7, 8, 14, 15, 17, 18, 19, 21, 25, 27, 31, 32, 33⁴, 35, 38, 40, 44, 50, 51, 52, 53, 55 i 56.

(4) U zajedničkom izvoznom i provoznom postupku prijave se popunjavaju u skladu sa stvavom (1), (2) ili (3) u zavisnosti koja prijava je u pitanju.

(5) Kada se, u skladu sa članom 224. i 225. Odluke, u provoznom postupku, umjesto BIS obrazaca, koriste **tovarne liste** sačinjene u skladu sa Prilogom 30 i 31 Odluke, tada u provoznoj prijavi polja 15, 32, 33, 35, 38, 40 i tamo gdje to odgovara polje 44 se ne popunjavaju (moraju se precrtati), a u polje 31 se upisuje: "Roba prema priloženoj tovarnoj listi/listama", uz navođenje serijskih brojeva ili druge oznake tovarnih lista (vidi Priloge 30 i 31 Odluke).

(6) Polja prijave označena brojevima popunjava deklarant.

Član 8.

(Popunjavanje polja prijave za postupke: izvoz,
vanjska obrada, privremeni izvoz, ponovni izvoz i provoz)

(1) Polja prijave navedena u članu 7. stav (1), (3) i (4) ovog uputstva, podnijete u pisanom obliku ili DTI prijave, popunjavaju se na način kako je u daljem tekstu ovog člana navedeno kod pojedinih polja prijave (i to prvo odredbe za prijave u pisanom obliku, a potom za DTI prijave).

Polje 1. PRIJAVA

(1) Popunjava se kako slijedi:

- a) prva potpodjela popunjava se šifrom "EX",
- b) druga potpodjela popunjava se šifrom iz Priloga 20 Odluke i to:
 - 1) "1" za trajni izvoz,
 - 2) "2" za izvoz robe radi vanjske obrade i privremeni izvoz robe,
 - 3) "3" za ponovni izvoz robe,
 - 4) "9" za carinske postupke u kojima su prve dvije cifre u prvoj potpodjeli polja 37 prijave "95" ili "96".
- c) prva i druga potpodjela ne popunjava se, ako je u pitanju samo postupak provoza,
- d) treća potpodjela popunjava se oznakom TR kada se primjenjuje postupak provoza,
- e) kada se uz provoznu prijavu koristi BIS obrazac tada se u treću potpodjelu polja 1 tog obrasca upisuje oznaka "TRBIS" (dalje vidi odredbe Naslova III pod C) u Prilogu 15 Odluke).

(2) Kod DTI prijave informacijski sistem ASCYUDA (u daljem tekstu: sistem) automatski popunjava ovo polje odabirom vrste prijave za konkretni carinski postupak.

⁽¹⁾ - popunjava se u izvoznom postupku u slučaju kada se u polju 2 prijave koristi "zajednička šifra"

⁽²⁾ - popunjava se u izvoznom postupku samo u slučaju kada roba podliježe plaćanju ili obezbjeđenju indirektnih poreza

⁽³⁾ - pogledati odredbe za polje 49 u člana 8. ovog uputstva

⁽⁴⁾ - popunjava se u postupku provoza samo u slučajevima navedenim u odredbama stava (3) za polje 33 u članu 8. ovog uputstva

Polje 2. Pošiljalac/Izvoznik

- (1) Popunjava se kako slijedi:
 - a) u prvi red, pored oznake I.B., upisuje se identifikacioni broj pošiljaoca /izvoznika,
 - b) u drugi red puni naziv pošiljaoca/izvoznika,
 - c) u treći red adresa izvoznika/pošiljaoca.
- (2) Ako izvozom robe počinje ili se završava postupak s ekonomskim učinkom, u polje 2 upisuju se podaci o nosiocu odobrenja za takav postupak.
- (3) Na jednoj prijavi može se pojaviti samo jedan pošiljalac/izvoznik.
- (4) Pošiljalac, odnosno izvoznik je lice za čiji račun se podnosi prijava i koje je, u vrijeme prihvatanja prijave, vlasnik robe ili ima odgovarajuća prava raspolaganja robom.
- (5) U ovo polje unose se podaci o pošiljaocima/izvoznicima koji su kod Uprave registrovani kao PDV obveznici i imaju PDV broj kao identifikacioni broj ili kao obveznici drugih indirektnih poreza sa identifikacionim brojem dodijeljenim od Uprave (u daljem tekstu: identifikacioni broj).
- (6) U slučaju kada je pošiljalac/izvoznik lice koje, u skladu s važećim propisima, ne mora biti registrovano kod Uprave, u ovo polje u prvi red, pored oznake I.B., upisuje se gdje to odgovara neka od niže navedenih zajedničkih šifri, dok se podaci o licu na koje se ta šifra odnosi upisuju u polje 9 prijave (dalje: zajednička šifra):
 - 010000000019: za domaća fizička lica
 - 100000000093: za fizička lica registrovana za obavljanje određene djelatnosti-preduzetnik,
 - 010000000027: za strana pravna i fizička lica,
 - 100000000069: za ambasade stranih zemalja, međunarodne organizacije i misije koje u skladu sa međunarodnim konvencijama i ugovorima imaju pravo uvoza/izvoza i lica sa konzularnim i diplomatskim statusom,
 - 100000000034: ostala lica.
- (7) Kod DTI prijave, upisivanjem, u prvi red ovog polja, identifikacionog broja pošiljaoca/izvoznika registrovanog kod Uprave, sistem automatski popunjava ostale podatke. Ako se primjenjuje stav (6) ovog polja, tada se u ovo polje upisuje odgovarajuća zajednička šifra.

Polje 3. Obrasci

- (1) Popunjava se kako slijedi:
 - a) u prvu potpodjelu upisuje se redni broj podseta u odnosu na ukupan broj korištenih podsetova prijave,
 - b) u drugu potpodjelu ukupan broj podsetova prijave (na primjer, ukoliko postoji jedan obrazac EX i dva EX/ BIS obrasca, na EX obrascu naznačiti "1/3", na prvom EX/BIS obrascu "2/3" i na drugom EX/BIS obrascu "3/3".
- (2) Kada prijava sadrži samo jedno naimenovanje ovo polje se ne popunjava, ali se tada u polje 5 upisuje broj "1".
- (3) Kada se prijava sastoji od dva seta od četiri primjerka umjesto jednog seta od osam primjeraka, ta dva seta se smatraju kao jedan, kada je u pitanju utvrđivanje broja obrazaca.
- (4) Kod DTI prijave ovo polje sistem automatski popunjava.

Polje 4. Tovarne liste

- (1) Upisati brojevima ukupan broj priloženih tovarnih lista ukoliko postoje, ili opisnih lista odobrenih od strane carinskih organa.
- (2) Kod DTI prijave popunjava se kao u stavu (1) ovog polja.

Polje 5. Naimenovanja

- (1) Upisuje se ukupan broj naimenovanja prijavljenih u svim korištenim podsetovima prijave (ili tovarnim listama ili opisnim listama). Broj naimenovanja mora odgovarati broju popunjenih polja 31 u prijavi.
- (2) Kod DTI prijave popunjava se kao u stavu (1) ovog polja, a sistem automatski popunjava ovo polje.

Polje 6. Ukupan broj paketa

(1) Upisati ukupan broj paketa koji sačinjavaju pošiljku koja se prijavljuje, bez navođenja njihove vrste. Ako se uvozi roba u rasutom stanju ovo polje se ne popunjava.

(2) Kod DTI prijave popunjava se kao u stavu (1) ovog polja, a sistem automatski provjerava ovo polje.

Polje 7. Referentni broj

(1) Upisuje se trgovački referentni broj dodijeljen predmetnoj pošiljci. Taj se broj u toku kalendarske godine ne može ponoviti za istog deklaranta.

(2) Kod DTI prijave popunjava se kao u stavu (1) ovog polja.

Polje 8. Primalac

(1) Popunjava se kod postupka provoza kako slijedi:

- a) u prvi red, pored oznake I.B., upisuje se identifikacioni broj primaoca/vlasnika robe,
- b) u drugi red puni naziv primaoca/vlasnika robe,
- c) u treći red adresa primaoca/vlasnika robe.

(2) Ako je primalac lice bez identifikacionog broja, tada se u ovo polje upisuje:

- a) prvi red se ne popunjava,
- b) u drugi red naziv primaoca/vlasnika robe,
- c) u treći red adresa primaoca/vlasnika robe.
- d) u četvrti red, gdje to odgovara, odgovarajuća zajednička šifra.

(3) Na jednoj prijavi može se pojaviti samo jedan primalac.

(4) Kod DTI prijave popunjava se kao u stavu (1) do (3) ovog polja.

Polje 9. Osoba odgovorna za finansijsko poravnanje

(1) Popunjava se kada se u polju 2 prijave kod izvoznih postupaka koristi odgovarajuća zajednička šifra, u kom slučaju se u ovo polje unose podaci o licu na koje se ta šifra odnosi (puni naziv/ime, adresa, JMB gdje ima i drugi podatak od značaja za identifikaciju lica upisanog u ovo polje).

(2) Kod DTI prijave popunjava se kao u stavu (1) ovog polja.

Polje 14. Deklarant/Zastupnik

(1) Popunjava se kako slijedi:

- a) u prvi red, uz oznaku I.B., upisuje se identifikacioni broj deklaranta/zastupnika,
- b) u drugi red puni naziv deklaranta/zastupnika,
- c) u treći red adresa deklaranta/zastupnika.

(2) Ako je deklarant lice iz polja 2 tada se u nazivu ovog polja riječ "zastupnik" precrta, a ako je u pitanju ovlašteni zastupnik izvoznika/pošiljaoca precrta se riječ "deklarant", a polje se popunjava kao u stavu (1) ovog polja.

(3) Kod DTI prijave unošenjem identifikacionog broja deklaranta/zastupnika sistem automatski unosi ostale podatke u ovo polje.

Polje 15. Zemlja otpreme/izvoza

(1) Upisuje se naziv zemlje iz koje se roba otprema/izvozi, a u polje 15a šifra te zemlje iz Priloga 55 Odluke.

(2) Kod DTI prijave unošenjem odgovarajuće šifre u u polje 15a sistem automatski popunjava polje 15.

Polje 16. Zemlja porijekla

Ovo polje se, zbog tehničkih zahtjeva sistema, popunjava samo kod DTI prijave tako što ga sistem automatski popunjava na osnovu podataka unesenih u polje 34a. Ako su različite zemlje porijekla navedene u polju 34a po naimenovanjima, sistem će u polje 16 upisati riječ "mnogo".

Polje 17. Zemlja odredišta/šifra

(1) U polje 17 upisuje se naziv zemlje konačnog odredišta robe, a u polje 17a dvoslovna šifra te zemlje iz priloga 55 Odluke.

(2) Kod DTI prijave unošenjem odgovarajuće šifre u polje 17a sistem automatski popunjava polje 17.

Polje 18. Identitet i nacionalnost prevoznog sredstva u odlasku

(1) Upisuje se registarski broj (ili naziv) prevoznog sredstva na koje je roba direktno utovarena kod završavanja izvoznih/provoznih radnji u polaznom uredu, a zatim nacionalnost prevoznog sredstva (ili vozila koje vuče ono drugo ukoliko se radi o više prevoznih sredstava), koristeći odgovarajuću šifru iz Priloga 55 Odluke.

(2) Kada se koristi vučno vozilo i prikolica sa različitim registarskim brojevima upisuje se registarski broj i vučnog vozila i prikolice, zajedno sa zemljom vučnog vozila.

(3) Ako se roba prevozi željeznicom upisuje se broj vagona. Ako je u pitanju više vagona, upisuje se "popisna lista vagona", koja sadrži njihove brojeve i ista se prilaže uz prijavu.

(4) Ako se roba prevozi vazduhoplovom, upisuje se broj i datum leta.

(5) Ako se roba prevozi brodom, upisuje se naziv i oznaka broda.

(6) Sve registarske brojeve treba upisati tako da se između oznaka ne ostavlja prazan prostor.

(7) U slučaju poštanskih pošiljki ili transporta fiksnim instalacijama (dalekovodi, cjevovodi i dr.) ovo polje se ne popunjava.

(8) Kod DTI prijave popunjava se kao u stavu (1) do (6) ovog polja. Kada su pitanju poštanske pošiljke ili transport fiksnim instalacijama, u ovo polje unosi se opis vrste transporta, te šifra "QQ" u drugu potpodjelu ovog polja.

Polje 19. Kontejner

(1) Upisuje se broj "1", ako se roba prevozi u kontejneru, odnosno "0", ako se roba ne prevozi u kontejneru.

(2) Ako se u ovo polje upiše broj "1", tada se u polje 31 upisuje broj kojim je označen kontejner (identitet kontejnera).

(3) Kod DTI prijave popunjava se kao u stavu (1) i (2) ovog polja.

Polje 21. Identitet i nacionalnost aktivnog prevoznog sredstva koje prelazi granicu

(1) Upisuje se registarski broj (ili naziv) aktivnog prevoznog sredstva na kojem utovarena roba prelazi granicu i dvoslovna šifra zemlje koja označava nacionalnost tog prevoznog sredstva iz Priloga 55 Odluke.

(2) Kada je u pitanju kombinovani prevoz ili kada se koristi više prevoznih sredstava, aktivnim prevoznim sredstvom se smatra ono koje pokreće cijelu tu kombinaciju. Na primjer, ukoliko se kamion nalazi na brodu, aktivno prevozno sredstvo je brod; ukoliko se radi o vučnom vozilu i prikolici aktivno prevozno sredstvo je vučno vozilo. U pogledu daljih odredbi postupiti na način opisan gore u polju 18.

(3) Kod DTI prijave popunjava se kao u stavu (1) i (2) ovog polja.

Polje 22. Valuta i ukupan fakturisani iznos

(1) U prvu potpodjelu upisuje se odgovarajuća šifra valute objavljene od Centralne banke BiH, u kojoj je iskazana vrijednost robe u fakturi.

(2) U drugu potpodjelu upisuje se ukupna fakturisana vrijednost za svu prijavljenu robu, izražena u valuti iz prve potpodjele. Ako se izvozi roba obračunata u više valuta, za svaku vrstu valute treba podnijeti posebnu prijavu.

(3) U prijavi za *privremeni izvoz, odnosno vanjsku obradu*, u drugu potpodjelu upisuje se fakturisani iznos, bez obzira što faktura neće biti naplaćena.

(4) U prijavi za *ponovni izvoz robe što je bila uvezena radi unutrašnje obrade* u drugu potpodjelu upisuje se fakturisana vrijednost.

(5) U prijavi za *ponovni izvoz robe što je bila uvezena radi unutrašnje obrade po osnovu lonh poslova*, u drugu potpodjelu upisuje se fakturisani iznos (koji se može sastojati od vrijednost domaćeg ugrađenog materijala i vrijednost uslugâ).

(6) Kod DTI prijave popunjava se kao u stavu (1) do (5) ovog polja.

Napomena: U polje 22 u sistemu deklarant unosi fakturisani iznos u valuti iz prve potpodjele ovog polja. Ovo polje je u direktnoj vezi sa poljem 46 (statistička vrijednost) u koje će sistem automatski, u BiH valuti, upisati vrijednost iz polja 22, korigovanu za iznose troškova i popusta unijetih u ekran "Napomena o vrijednosti".

Polje 23. Kurs valute

(1) Upisuje se kurs valute između valute naznačene u prvoj podpodjeli polja 22 i BiH valute, koji važi na dan prihvatanja prijave.

(2) Kod DTI prijave u ovom polju sistem automatski pokazuje kurs valute naznačene u prvoj potpodjeli polja 22, na osnovu svakodnevnog ažuriranja kursne liste u sistemu.

Polje 24. Vrsta transakcije

(1) Upisuje se šifra vrste trgovinskog posla iz Priloga 20 Odluke, koja odgovara komercijalnom sadržaju posla prijavljenog konkretnom prijavom, i to po jedan znak u svako polje.

(2) Šifre iz kolone A upisuju se na lijevu stranu ovog polja (osim šifre 9 gdje to odgovara), a šifre iz kolone B na desnu stranu ovog polja (npr.: šifra 11- prodaja robe uz plaćanje, šifra 21-povrat neodgovarajuće ili neprodane robe, šifra 53-ponovni izvoz robe nakon opravke/besplatna usluga;/ šifra 52-povrat robe nakon popravke uz plaćanje; šifra 62-privremeni izvoz robe na sajmove, izložbe; itd.). Kombinacije šifri iz kolone A i B daté su u šifarniku koji se nalazi u Prilogu II ovog uputstva.

(2) Kod DTI prijave popunjava se kao u stavu (1) ovog polja.

Polje 25. Način prevoza na granici

(1) Upisuje se odgovarajuća dvocifrena šifra vrste prevoza iz Priloga 20 Odluke koji odgovara aktivnom prevoznom sredstvu za koje se očekuje da će biti korišteno pri izlazu iz carinskog područja BiH.

(2) Kod DTI prijave popunjava se kao u stavu (1) ovog polja.

Polje 27. Mjesto utovara

(1) Upisuje se naziv mjesta u kojem se vrši utovar robe na prevozno sredstvo.

(2) Kod DTI prijave popunjava se unošenjem odgovarajuće petoslovne šifre mjesta utovara robe iz Priloga II ovog uputstva.

Polje 31. Pakovanje i opis robe; Oznake i brojevi - Kontejner br. - Broj i vrsta

(1) U *prvi i drugi red*, odvojeno kosim crtama, upisuje se ukupan broj svih paketa (koleta) koji se odnosi na konkretno naimenovanje, zatim vrsta (*npr. vreća, paket, koleta, bala*) i oznake paketa. Ako se koriste kontejneri, upisuju se njihove identifikacijske oznake.

(2) Ako je u pitanju neupakovana roba, upisuje se riječ "rasuto".

(3) Ako je u pitanju roba koja se transportuje fiksnim instalacijama, upisuje se npr. plin, nafta, električna energija ili slično.

(4) Ako se zbog nedostatka prostora ne mogu upisati sve oznake pakovanja, upisuje se riječ "specifikacija", a uz prijavu se prilaže specifikacija oznaka pakovanja.

(5) U *treći i ostale redove* ovog polja upisuje se naimenovanje (opis) robe iz Carinske tarife BiH, uobičajeni trgovački naziv robe, kao i podaci (podaci koji određenu robu karakterišu, odnosno robu iste vrste međusobno razlikuju) potrebni za identifikaciju i svrstavanje robe po Carinskoj tarifi BiH i drugim tarifama i propisima koji se primjenjuju na robu (npr. akciza, porez i dr.).

(6) Ako se uz *provoznu prijavu* prilaže tovarna lista/liste u ovo polje upisuje se: "Roba prema priloženoj tovarnoj listi/listama", uz naznačenje serijskog broja ili druge oznake priložene tovarne liste/lista (vidi u Prilogu 30 Odluke - Naslov III, tačka 2.).

(7) Ako se *provoznom prijavom prijavljuju zbirne pošiljke* upisuju se riječi "zbirna pošiljka", a uz provoznu prijavu se prilaže popis sve robe u pošiljci sa podacima potrebnim za njenu identifikaciju. Kao zbirna pošiljka ne može se prihvatiti roba iz Priloga 25 Odluke.

(8) Ako je u pitanju akcizna roba koja se obilježava poreskim ili kontrolnim markicama u ovo polje, poslije opisa robe, upisuju se i podaci o markicama kojima je ta roba obilježena (slovna oznaka serije i serijski broj markica). U nedostatku prostora u polju 31, podaci o markicama upisuju se u polje 44 prijave.

(9) Opis robe mora biti potpun, precizan i nedvosmislen tako da se lako može identifikovati, tj. prepoznati koja je roba predmet konkretnog postupka.

(10) Kod DTI prijave popunjava se kao u stavu (1) i stavu (3) do (9) ovog polja. Ako se primjenjuje stav (2) ovog polja upisuje se odgovarajuća sistemska šifra za rasuto stanje.

Polje 32. Naimenovanje broj

(1) Upisuje se redni broj predmetnog naimenovanja u odnosu na ukupan broj naimenovanja iz polja 5 prijave.

(2) Kada se prijava odnosi na samo jedno naimenovanje, ovo polje se ne popunjava.

(3) Kod DTI prijave sistem automatski popunjava ovo polje.

Polje 33. Šifra robe

(1) U prvu potpodjelu ovog polja, počev od njenog početka, upisuje se desetocifrena tarifna oznaka robe iz Carinske tarife BiH.

(2) U posljednju potpodjelu ovog polja upisuje se posebna (dodatna) šifra za akciznu ili drugu robu (npr. kada je robu iste vrste potrebno razlikovati npr. po vrijednosti, kvalitetu, sastavu ili drugim karakteristikama ili zbog primjene propisa).

(3) Kod **postupka provoza** prva potpodjela ovog polja mora biti popunjena (upisuje se osmocifrena tarifna oznaka) kada:

- a) provoznu prijavu daje ista osoba istovremeno ili nakon neke druge carinske prijave koja sadrži šifru robe; ili
- b) kada se provozna prijava odnosi na robu iz spiska u Prilogu 25 Odluke; ili
- c) kada je to regulisano BiH propisima.

(4) Kod DTI prijave, zbog tehničkih zahtjeva sistema, upisuje se jedanaest cifara od kojih su prvih deset cifara tarifna oznaka iz Carinske tarife BiH u koju se roba svrstava.

(5) Kod DTI prijave u postupku provoza sistem zahtijeva da se uvijek popuni ovo polje sa 4, 6 ili 8 cifara. Kada u postupku provoza nije potrebno popuniti ovo polje (vidi stav (3) ovog polja) tada se, zbog tehničkih zahtjeva sistema, u isto unosi šifra iz sistema "98010000". Na ovaj način se postupa i kod ponovnog izvoza robe kojim se razdužuje postupak carinskog skladištenja, osim kod carinskog skladišta tipa D.

Polje 34. Šifra zemlje porijekla

Ovo polje se, zbog tehničkih zahtjeva sistema, popunjava samo kod DTI prijave upisivanjem dvoslovnne šifre iz sistema "QQ".

Polja 35. Bruto masa (kg)

(1) Upisuje se bruto masa robe navedene u polju 31, izražena u kilogramima, zaokruživanjem na dva decimalna broja. Ako je bruto masa robe manja od jednog kilograma upisuje se broj "1".

(2) Bruto masa je zbirna masa robe sa cijelim njenim pakovanjem, izuzev kontejnera i druge opreme za prevoz.

(3) Ako bruto masa ne može da se odredi kada su u pitanju robe koja se transportuje fiksnim instalacijama, ovo polje se ne popunjava.

(4) Kod DTI prijave popunjava se kao u stavu (1) i (2) ovog polja. Ako je u pitanju transport fiksnim instalacijama u ovo polje unosi se šifra iz sistema "0,01".

Polje 37. POSTUPAK

(1) Popunjava se kako slijedi:

- a) u prvu potpodjelu šifra traženog carinskog postupka koja se sastoji od četiri cifre, od kojih se prve dvije odnose na traženi postupak, a posljednje dvije na prethodni postupak. Ako nije bilo prethodnog postupka posljednje dvije cifre su "00",
- b) prva cifra šifre traženog postupka i broj upisan u drugoj potpodjeli polja 1 prijave moraju biti jednaki.
- c) lista dvocifrenih šifri postupka i način njihovog korištenja kod popunjavanja ovog polja potpuniye su propisani Prilogom 20 Odluke, dok su kombinacije traženog i prethodnog postupka u četverocifrenim šiframa date u Prilogu II ovog uputstva,
- d) u drugu potpodjelu upisuje se odgovarajuća šifra iz Priloga II ovog uputstva koja se odnosi na oslobađanje od plaćanja uvoznih dažbina i drugih indirektnih poreza ili naplatu.

(2) Kod DTI prijave popunjava se kao u stavu (1) ovog polja.

Polje 38. Neto masa (kg)

(1) Upisuje se neto masa robe navedene u polju 31, izražena u kilogramima, zaokruživanjem na dva decimalna broja. Ako je bruto masa robe manja od jednog kilograma upisuje se broj "1".

(2) Neto masa je masa same robe bez njenog pakovanja.

(3) Ako neto masa ne može da se odredi kada su u pitanju robe koja se transportuje fiksnim instalacijama, ovo polje se ne popunjava.

(4) Kod DTI prijave popunjava se kao u stavu (1) i (2) ovog polja. Ako je u pitanju transport fiksnim instalacijama u ovo polje unosi se šifra iz sistema "0,01".

Polje 40. Zbirna prijava/prethodni dokument

(1) Upisuje se, odvojeno kosim crtama: šifra organizacione jedinice u kojoj je vođen prethodni carinski postupak, odnosno prethodno carinski odobreno postupanje ili upotreba, šifra vrste prijave koja se odnosi na prethodni postupak (npr. IM7, IM 5...), evidencijski broj prijave iz kontrolnika i dvije posljednje cifre godine u kojoj je ona sačinjena ili podaci o odgovarajućem carinskom dokumentu. Ukoliko ne postoji prethodna prijava, upisuje se broj "1".

(2) Ako je prethodni postupak vođen na osnovu više prethodnih prijava, u ovo polje upisuje se riječ "spisak", a uz prijavu se prilaže spisak prethodnih isprava sa podacima navedenim u prethodnom stavu ovog polja.

(3) Kod DTI popunjava se kao u stavu (1) i (2) ovog polja.

Polje 41. Dopunska jedinica

(1) Upisuje se količina robe u jedinici mjere propisane Zakonom o carinskoj tarifi BiH.

(2) Kod DTI ovo polje sistem otvara ovisno od tarifne oznake robe upisane u polju 33 prijave i u otvoreno polje upisuje se količina robe iskazana u naznačenoj dopunskoj jedinici koja je propisana u koloni 3 Carinske tarife BiH.

Polje 44. Dodatne informacije, priložene isprave, uvjerenja i odobrenja

(1) U *prvi red*, zavisno od postupka koji se provodi nad robom, odvojeno kosim crtama, upisuju se odgovarajuće šifre dokumenata koji su priloženi uz prijavu iz Priloga II ovog uputstva, a potrebni su za provođenje konkretnog postupka.

(2) U *drugi red*, odvojeno kosim crtama, upisuju se oznake i brojevi priloženih dokumenata prema redoslijedu navedenih šifara u prvom redu, uključujući i redne brojeve bilo kojeg kontrolnog primjerka T5.

(3) Za priložene dokumente koji se odnose na sva naimenovanja prijave, šifre i podaci upisuju se samo kod prvog naimenovanja.

(4) U *treći red*, odvojeno kosim crtama, upisuje se odgovarajuća vrsta i iznos troškova i popusta koji utiču na utvrđivanje statističke vrijednosti. Iznos troškova i popusta koji se odnose na svu robu prijavljenu po prijavi upisuju se u prvom naimenovanju, a troškovi i popusti koji se odnose samo na pojedine robe upisuju se u naimenovanju tih roba.

(5) U *četvrti red*, u carinskim postupcima gdje to odgovara, odvojeno kosim crtama, upisuju se podaci o odobrenju (broj i godina odobrenja za provođenje postupka iz polja 37 prijave i šifra nadzornog ureda) i specifične oznake propisane članom 346. i 347. Odluke.

(6) Potpodjela "Šifra dodatnih informacija (DI)" se ne popunjava.

(7) Kod DTI prijave u sistemu u ovom polju u prvom redu nalaze se samo iznosi troškova i popusta unijeti u ekran "*napomena o vrijednosti*" i to za dato naimenovanje, a u drugom redu nalaze se samo šifre priloženih dokumenta zahtijevane od strane sistema za odgovarajući carinski postupak. Detaljni podaci o dokumentima priloženim za konkretnu prijavu unose se na ekranu "*priloženi dokumenti*" prilikom lokalne provjere prijave.

Polje 46. Statistička vrijednost

(1) Upisuje se vrijednost robe u BiH valuti.

(2) Ako je ugovoreno mjesto isporuke robe u inostranstvu, vrijednost iz fakture umanjuje se za troškove prevoza, osiguranja i otpremanja robe od granice BiH do mjesta isporuke u inostranstvu.

(3) Ako je ugovoreno mjesto isporuke robe u BiH, vrijednost iz fakture povećava se za troškove prevoza, osiguranja i otpremanja robe od mjesta isporuke u BiH do granice BiH.

(4) U prijavi za *ponovni izvoz proizvoda dobivenih u postupku unutrašnje obrade*, u ovo polje upisuje se ukupna vrijednost uvezene robe radi unutrašnje obrade, vrijednost uslugâ, vrijednost domaćeg ugrađenog materijala i vrijednost drugih troškova nastalih na carinskom području BiH.

(5) Kod DTI prijave sistem automatski popunjava ovo polje ovisno od popunjavanja polja 22 i unijetih iznosa troškova i popusta.

Polje 47. Obračun indirektnih poreza

(1) Popunjava se kako slijedi:

- a) u prvu podjelu (vrsta) - šifra vrste indirektnog poreza iz Priloga II ovog uputstva,
- b) u drugu podjelu (osnovica) - vrijednost u BiH valuti ili količina robe ili druga propisana osnovica za obračun indirektnog poreza iz prve podjele,
- c) u treću podjelu (stopa) - stopa indirektnog poreza navedene u prvoj podjeli,
- d) u četvrtoj podjeli (iznos) - iznos indirektnog poreza u BiH valuti,
- e) u petoj podjeli (NP) - šifra načina plaćanja ili obezbjeđenja carinskog duga iz Priloga 20 Odluke, i to kod svakog indirektnog poreza:
 - 1) šifra "0" - obezbjeđenje garancijom,
 - 2) šifra "1" - plativi indirektni porez ili
 - 3) šifra "2" - nema plaćanja,
- f) u zadnji red ovog polja (ukupno) upisuje se ukupan iznos indirektnih poreza za predmetno naimenovanje.

(2) Ukoliko ima više naimenovanja, ukupan iznos indirektnih poreza za sva naimenovanja upisuje se u polje 47 namijenjenom za zbirni iznos indirektnih poreza na posljednjem korištenom BIS obrascu prijave. U posljednjem redu tog polja, poslije riječi "ukupno" upisuje se iznos indirektnih poreza za plaćanje i šifra "1".

(3) Ovo polje popunjava se u izvoznim postupcima samo u slučajevima kada je nastala obaveza plaćanja ili obezbjeđenja indirektnih poreza.

(4) Kod DTI prijave, u izvoznim postupcima samo u slučajevima kada je nastala obaveza plaćanja carinskog duga, sistem automatski obračunava indirektnu porezu prema podacima unijetim u ostalim poljima prijave primjenom stava (1) i (2) ovog polja.

Polje 49. Identifikacija skladišta

(1) Popunjava se obavezno ako se u postupak vanjske obrade ili ponovnog izvoza stavlja roba koja je prethodno bila u postupku carinskog skladištenja, tako što se upisuje identifikacioni broj skladišta iz odobrenja za rad carinskog skladišta.

(2) Kod DTI prijave, u sistemu ovo polje se sastoji od dva dijela, koje sistem po potrebi otvara, a upisuje se:

- a) u prvi dio polja identifikacioni broj skladišta u kojem je roba prethodno uskladištena,
- b) u drugi dio polja rok odobrenog izvoznog postupka iskazan u broju dana. Ako taj rok nije određen, zbog tehničkih zahtjeva sistema, upisuje se maksimalni sistemski broj dana 1095.

Polje 50. Glavni obveznik

(1) Popunjava se kod provoza, kako slijedi:

- a) u prvi red, pored oznake br., upisuje se identifikacioni broj korisnika postupka provoza/zastupnika,
- b) u drugi red ime/naziv korisnika postupka provoza/zastupnika,
- c) u treći red adresa korisnika postupka provoza/zastupnika,
- d) u preostali prostor upisuje se ime i prezime odgovorne osobe korisnika postupka provoza/zastupnika, mjesto, datum, potpis i pečat.

(2) Ako korisnik postupka provoza ima zastupnika u ovo polje upisuju se podaci o zastupniku, u protivnom upisuju se podaci o korisniku postupka provoza.

(3) Original svojeručnog potpisa odgovorna osoba mora staviti na primjerak prijave koji ostaje kod polaznog ureda.

(4) Ako je glavni obveznik pravno lice, upisuje se naziv i adresa firme, ime i prezime odgovorne osobe glavnog obveznika koji se lično potpisuje i navodi funkciju, te stavlja otisak službenog pečata.

(5) Kod izvoznih radnji deklarant/zastupnik može upisati ime/naziv i adresu posrednika kojem se može uručiti primjerak 3 izvozne prijave ovjerene od izlaznog ureda.

(6) Kod DTI prijave, ako se u sistemu u tabeli "glavni obveznik" nalaze podaci o korisniku postupka provoza/zastupnika upisivanjem njegovog identifikacionog broja sistem će automatski upisati ime/naziv i adresu korisnika postupka provoza/zastupnika, a ime i prezime njegove odgovorne osobe se upisuje. U protivnom, prvi red se ne popunjava, već popunjavanje ovog polja počinje u drugom redu unošenjem svih podataka kako je to navedeno u stavu (1) ovog polja.

Polje 52. Garancija

(1) Popunjavanje se kod postupka provoza tako što se, odvojeno kosim crtama, upisuje odgovarajuća šifra iz Priloga 20 Odluke vrste garancije ili odustajanja od garancije, korištenu za datu radnju gdje je to potrebno, zatim broj uvjerenja za sveobuhvatnu garanciju ili uvjerenja o odustajanju od garancije ili vaučera pojedinačne garancije i šifra carinskog organa koji je prihvatio garanciju (garanti ured).

(2) Kod DTI prijave u sistemu za postupak provoza u podjelu "Vrsta" unosi se odgovarajuća šifra iz Priloga 20 Odluke vrste garancije ili odustajanja od garancije, korištenu za datu radnju gdje je to potrebno. Dalje, u podjelu "Referenca" unosi se broj uvjerenja za sveobuhvatnu garanciju ili uvjerenja o odustajanju od garancije ili vaučera pojedinačne garancije i šifra carinskog organa koji je prihvatio garanciju (garanti ured), a u podjelu "Datum" unosi se datum do kojeg vrijedi dato uvjerenje, odnosno vaučer pojedinačne garancije.

Polje 53. Odredišni ured

(1) Upisuje se, odvojeno kosim crtama, šifra i naziv carinskog ureda iz Priloga II preko kojeg se roba direktno izvozi u inostranstvo, odnosno u slobodnu zonu, odnosno šifra i naziv odredišnog ureda iz unutrašnjosti u koji se roba upućuje radi okončanja proвозne radnje.

(2) Kod DTI prijave popunjavanje se kao u stavu (1) ovog polja.

Polje 54. Mjesto i datum; Potpis i ime deklaranta/zastupnika

(1) Upisuje se mjesto i datum podnošenja prijave, a zatim se u slučaju direktnog zastupanja obavezno upisuje šifra "DZ", a kod indirektnog zastupanja šifra "IZ".

(2) Odgovorna osoba u deklaranta/zastupnika upisuje svoje ime i prezime i stavlja svoj potpis.

(3) Original svojeručnog potpisa odgovorna osoba mora staviti na primjerak prijave koji ostaje kod carinskog ureda izvoza/otpreme. Ako je deklarant/zastupnik pravno lice, upisuje se naziv i adresa firme, ime i prezime odgovorne osobe deklaranta/zastupnika koji se lično potpisuje i navodi funkciju, te stavlja otisak službenog pečata.

(4) Kod DTI prijave sistem automatski upisuje samo datum podnošenja prijave i korisničko ime odgovorne osobe u deklaranta/zastupnika dodijeljenog joj za rad na carinskom serveru. Original svojeručnog potpisa i šifru "DZ" ili "IZ" (u zavisnosti koji oblik zastupanja je u pitanju) odgovorna osoba mora staviti na primjerak prijave koji ostaje kod carinskog ureda izvoza/otpreme (kao i naziv funkcije u deklaranta/zastupnika ako je u pitanju pravno lice i otisak pečata).

Član 9.

(Radnje na putu u postupku provoza)

(1) U slučaju da, od momenta kada roba napusti polazni ured do momenta kada stigne u odredišni ured, iz opravdanih razloga dođe do pretovara robe, podaci o pretovaru moraju biti upisani na prijavi koja prati robu od strane prevoznika odgovornog za prevozno sredstvo na koje je roba direktno utovarena. Podaci se upisuju čitkim rukopisom, hemijskom olovkom i štampanim slovima. Ovi podaci unose se samo na primjercima 4 i 5 proвозne prijave, u polje 55 i 56 na način opisan kao u stavu (2) i (3) ovog člana.

(2) U slučaju pretovara robe koristi se polje 55 (Pretovar robe), na slijedeći način:

- a) prva tri reda ovog polja popunjavanje prevoznik kada se, u toku trajanja proвозne radnje, roba pretovara sa jednog prevoznog sredstva na drugo ili iz jednog kontejnera u drugi, tako što:
 - (1) u prvi red (mjesto i zemlja) upisuje mjesto pretovara carinske robe,
 - (2) u drugi red (identitet i nacionalnost novog prevoznog sredstva) identitet i nacionalnost prevoznog sredstva u koje je roba pretovarena,
 - (3) 432 u treći red upisuje šifru "I" ako se roba pretovara u novi kontejner, a šifru "0" ako se roba ne pretovara u novi kontejner.

(3) Prevoznik može pretovariti robu samo nakon dobijanja odobrenja od carinskih organa. Kada ti organi smatraju da se radnja provoza može nastaviti na uobičajen način, oni će nakon preduzimanja neophodnih radnji ovjeriti primjerke 4 i 5 proвозne prijave.

(4) Polje 55 može se koristiti za dva pretovara robe.

(5) U slučaju ostalih događaja nastalih na putu u postupku provoza koristi se polje 56 (Ostali incidenti u toku provoza/Detalji i preduzete mjere).

(6) U polje 56 proвозne prijave upisuju se podaci o svim događajima nastalim tokom prevoza robe do određiшnog ureda, uključujući i podatke koji se zbog nedostatka prostora nisu mogli upisati u polje 55 (događaji npr. povreda carinskih plombi ili drugog obilježja, oštećenje robe, kvar vozila...).

(7) Kada je roba natovarena na polu-prikolicu i u toku putovanja je promijenjeno samo vučno vozilo (bez pomjeranja ili pretovara robe), u ovo polje se unosi registarski broj novog vučnog vozila. U takvim slučajevima nije potrebno ovjeravanje od strane nadležnog organa.

GLAVA IV - POPUNJAVANJE POLJA PRIJAVE OZNAČENIH BROJEVIMA U POSTUPCIMA PRI UVOZU

Član 10.

(Polja prijave koja se popunjavaju za postupke pri uvozu: stavljanje robe u slobodan promet, unutrašnja obrada, privremeni uvoz, obrada pod carinskom kontrolom, carinsko skladištenje i uništenje robe)

(1) U prijavi za *stavljanje robe u slobodan promet, unutrašnju obradu, privremeni uvoz, obradu pod carinskom kontrolom i uništenje robe pod carinskim nadzorom*, popunjavaju se polja označena brojevima: 1, 3, 5, 6, 7, 8, 9⁵, 14, 15, 15a, 16, 18, 19, 20, 21, 22, 23, 24, 25, 31, 32, 33, 34a, 35, 36, 37, 38, 39, 40, 41, 42, 44, 46, 47⁶, 48, 49 i 54.

(2) U prijavi za *postupak skladištenja u carinsko skladište tipa A, B, C i F*, popunjavaju se polja označena brojevima: 1, 3, 5, 7, 8, 14, 19, 21, 29, 30, 31, 32, 35, 37, 38, 40, 41, 44, 49 i 54.

(3) U prijavi za *postupak skladištenja u carinsko skladište tipa D*, popunjavaju se polja označena brojevima: 1, 3, 5, 7, 8, 14, 19, 20, 21, 27, 30, 31, 32, 33, 35, 37, 38, 40, 41, 44, 46, 47, 49 i 54.

Član 11.

(Popunjavanje polja prijave za postupke pri uvozu: stavljanje robe u slobodan promet, unutrašnja obrada, privremeni uvoz, obrada pod carinskom kontrolom, carinsko skladištenje i uništenje robe)

(1) Polja prijave navedena u članu 10. ovog uputstva, podnijete u pisanom obliku ili DTI prijave, popunjavaju se na način kako je u daljem tekstu ovog člana navedeno kod pojedinih polja prijave (i to prvo odredbe za prijave u pisanom obliku, a potom za DTI prijave).

Polje 1. PRIJAVA

(1) Popunjava se kako slijedi:

- a) prva potpodjela popunjava se šifrom "IM",
- b) druga potpodjela popunjava se šifrom:
 - 1) "0" za postupak unutrašnje obrade (sistem povrata dažbina),
 - 2) "4" za stavljanje robe u slobodan promet,
 - 3) "5" za privremeni uvoz robe i unutrašnju obradu (sistem obustave plaćanja),
 - 4) "6" za ponovni uzvoz robe,
 - 5) "7" za postupak carinskog skladištenja, uključujući stavljanje robe u druge prostore pod carinskom kontrolom,
 - 6) "9" za postupak obrade pod carinskom kontrolom i uništenja pod carinskom kontrolom,
- c) treća potpodjela se ne popunjava.

(2) Kod DTI prijave sistem automatski popunjava ovo polje odabirom vrste prijave za konkretni carinski postupak.

⁽⁵⁾ - popunjava se u uvoznom postupku u slučaju kada se u polju 8 koristi "zajednička šifra"

⁽⁶⁾ - ako nije nastala obaveza plaćanja ili obezbjeđenja indirektnih poreza polje 47 se ne popunjava

Polje 3. Obrasci

- (1) Popunjava se kako slijedi:
 - a) u prvu potpodjelu upisuje se redni broj podseta u odnosu na ukupan broj korištenih podsetova prijave,
 - b) u drugu potpodjelu ukupan broj podsetova prijave (a primjer, ukoliko postoji jedan obrazac IM i dva obrasca IM/BIS, na IM obrascu naznačiti "1/3", na prvom IM/BIS obrascu "2/3" i na drugom IM/BIS obrascu "3/3").
- (2) Kada prijava sadrži samo jedno naimenovanje ovo polje se ne popunjava, ali se tada u polje 5 upisuje broj "1".
- (3) Kod DTI prijave ovo polje sistem automatski popunjava.

Polje 5. Naimenovanja

- (1) Upisuje se ukupan broj naimenovanja prijavljenih u svim korištenim podsetovima prijave (ili tovarnim listama ili opisnim listama). Broj naimenovanja mora odgovarati broju popunjenih polja 31 u prijavi.
- (2) Kod DTI prijave sistem ovo polje automatski popunjava na osnovu broja popunjenih polja iz dijela prijave za robu.

Polje 6. Ukupan broj paketa

- (1) Upisati ukupan broj paketa koji sačinjavaju pošiljku koja se prijavljuje, bez navođenja njihove vrste. Ako se uvozi roba u rasutom stanju ovo polje se ne popunjava.
- (2) Kod DTI prijave popunjava se kao u stavu (1) ovog polja, a sistem automatski provjerava ovo polje.

Polje 7. Referentni broj

- (1) Upisuje se trgovački referentni broj dodijeljen predmetnoj pošiljci. Taj se broj u toku kalendarske godine ne može ponoviti za istog deklaranta.
- (2) Kod DTI prijave popunjava se kao u stavu (1) ovog polja.

Polje 8. Primalac

- (1) Popunjava se kako slijedi:
 - d) u prvi red, pored oznake I.B., upisuje se identifikacioni broj primaoca/vlasnika robe,
 - e) u drugi red puni naziv primaoca/vlasnika robe,
 - f) u treći red adresa primaoca/vlasnika robe.
- (2) U ovo polje, unose se podaci o primaocima/vlasnicima robe koji su kod Uprave registrovani kao PDV obveznici i imaju PDV broj kao identifikacioni broj ili kao obveznici drugih indirektnih poreza.
- (3) U slučaju kada je primalac/vlasnik robe lice koje, u skladu sa važećim propisima, ne mora biti registrovano kod Uprave, u ovo polje u prvi red, pored oznake I.B., upisuje se gdje to odgovara neka od zajedničkih šifri (vidi polje 2 iz člana 8. ovog uputstva), dok se podaci o licu na koje se ta šifra odnosi upisuju u polje 9 prijave.
- (4) Na jednoj uveznoj prijavi može se pojaviti samo jedan primalac.
- (5) Ako uvozom robe počinje ili završava postupak s ekonomskim učinkom u ovo polje upisuju se podaci o nosiocu odobrenja za takav postupak.
- (6) Ako su primalac robe i deklarant različita lica u ovo polje se upisuju podaci o primaocu robe.
- (7) Primalac/vlasnik robe je lice za čiji račun se podnosi prijava i koje je, u vrijeme prihvatanja prijave, vlasnik robe ili ima odgovarajuća prava raspolaganja robom.
- (8) Kod DTI prijave, upisivanjem, u prvi red ovog polja, identifikacionog broja primaoca registrovanog kod Uprave sistem automatski popunjava ostale podatke. Ako se primjenjuje stav (3) ovog polja, tada se u ovo polje upisuje odgovarajuća zajednička šifra.

Polje 9. Osoba odgovorna za finansijsko poravnanje

- (1) Popunjava se kada se u polju 8 prijave kod uveznih postupaka koristi odgovarajuća zajednička šifra, u kom slučaju se u ovo polje unose podaci o licu na koje se ta šifra odnosi (puni naziv/ime, adresa, JMB gdje ima i drugi podatak od značaja za identifikaciju lica upisanog u ovo polje).
- (2) Kod DTI prijave popunjava se kao u stavu (1) ovog polja.

Polje 12. Podaci o vrijednosti

Ovo polje se, zbog tehničkih zahtjeva sistema, popunjava samo kod DTI prijave, tako što sistem automatski unosi ukupan iznos troškova i popusta koji utiču na utvrđivanje carinske osnovice, osim unutrašnjih zavisnih troškova koji ulaze u osnovicu za porez na dodatu vrijednost, a na osnovu vrijednosti tih troškova i popusta unesenih u dodatni ekran "*napomene o vrijednosti*".

Polje 14. Deklarant/zastupnik

(1) Popunjava se kako slijedi:
a) u prvi red, uz oznaku I.B., upisuje se identifikacioni broj deklaranta/zastupnika,
b) u drugi red puni naziv deklaranta/zastupnika,
c) u treći red adresa deklaranta/zastupnika.
(2) Ako je deklarant lice iz polja 8 tada se u nazivu ovog polja riječ "zastupnik" precrta, a ako je u pitanju ovlaštena zastupnik primaoca precrta se riječ "deklarant", a polje se popunjava na način određen u stavu (1) ovog polja.

(3) Kod DTI prijave unošenjem identifikacionog broja deklaranta/zastupnika sistem automatski unosi ostale podatke u ovo polje.

Polje 15. Zemlja otpreme/izvoza

(1) Upisuje se naziv zemlje iz koje se roba šalje/izvozi a u polje 15a upisuje se odgovarajuća šifra iz Priloga 55 Odluke zemlje koja je upisana u polje 15.

(2) Kod DTI prijave unošenjem odgovarajuće šifre u u polje 15a sistem automatski popunjava polje 15.

Polje 16. Zemlja porijekla

(1) Upisuje se naziv zemlje porijekla robe. Ako se roba uvozi porijeklom iz više zemalja u ovo polje upisuje se riječ "razno".

(2) Kod DTI prijave sistem automatski popunjava ovo polje na osnovu podataka unesenih u polje 34a. Ako su različite zemlje porijekla navedene u polju 34a po naimenovanjima, sistem će u polje 16 upisati riječ "mnogo".

Polje 18. Identitet i nacionalnost prevoznog sredstva u dolasku

(1) Upisuje se registarski broj (ili naziv) prevoznog sredstva na koje je roba direktno utovarena prilikom pokazivanja kod carinskog ureda gdje se završavaju određene radnje i postupci (u trenutku prispjeća u određeni ured), a zatim nacionalnost prevoznog sredstva (ili vozila koje vuče ono drugo ukoliko se radi o više prevoznih sredstava) koristeći odgovarajuću šifru iz Priloga 55 Odluke.

(2) Kada se koristi vučno vozilo i prikolica s različitim registarskim brojevima, upisuje se registarski broj i vučnog vozila i prikolice zajedno sa zemljom vučnog vozila.

(3) Ako se roba prevozi željeznicom upisuje se oznaka vagona. Ako je u pitanju više vagona, upisuje se "popisna lista vagona", koja sadrži njihove brojeve i ista se prilaže uz prijavu.

(4) Ako se roba prevozi vazduhoplovom, upisuje se broj i datum leta.

(5) Ako se roba prevozi brodom, upisuje se naziv i oznaka broda.

(6) Sve registarske brojeve treba upisati tako da se između oznaka ne ostavlja prazan prostor.

(7) U slučaju poštanskih pošiljki ili transporta fiksnim instalacijama (dalekovodi, cjevovodi i dr.), ovo polje se ne popunjava.

(8) Kod DTI prijave popunjava se kao u stavu (1) do (6) ovog polja. Kada su u pitanju poštanske pošiljke ili transport fiksnim instalacijama u ovo polje unosi se opis vrste transporta, te šifra "QQ" u drugu podpodjelu ovog polja.

Polje 19. Kontejner

(1) Upisuje se broj "1", ako se roba prevozi u kontejneru, odnosno "0", ako se roba ne prevozi u kontejneru.

(2) Ako se u ovo polje upiše broj "1", tada se u polje 31 upisuje broj kojim je označen kontejner (identitet kontejnera).

(3) Kod DTI prijave popunjava se kao u stavu (1) i (2) ovog polja.

Polje 20. Uslovi isporuke

(1) U prvu potpodjelu upisuje se odgovarajuća šifra pariteta isporuke iz Priloga 20 Odluke, a u drugu potpodjelu mjesto pariteta isporuke.

(3) Kod DTI prijave popunjava se kao u stavu (1) ovog polja.

Polje 21. Identitet i nacionalnost aktivnog prevoznog sredstva koje prelazi granicu

(1) Upisuje se registarski broj (ili naziv) aktivnog prevoznog sredstva na kojem je utovarena roba prešla granicu i dvoslovna šifra zemlje koja označava nacionalnost tog prevoznog sredstva iz Priloga 55 Odluke.

(2) Kada je u pitanju kombinovani prevoz ili kada se koristi više prevoznih sredstava, aktivnim prevoznim sredstvom se smatra ono koje pokreće cijelu tu kombinaciju. Na primjer ukoliko se kamion nalazi na brodu, aktivno prevozno sredstvo je brod; ukoliko se radi o vučnom vozilu i prikolici, aktivno prevozno sredstvo je vučno vozilo. U pogledu daljih odredbi postupiti na način opisan gore u polju 18.

(3) Kod DTI prijave popunjava se kao u stavu (1) i (2) ovog polja.

Polje 22. Valuta i ukupan fakturisani iznos

(1) U prvu potpodjelu upisuje se odgovarajuća šifra valute objavljene od Centralne banke BiH, u kojoj je iskazana vrijednost robe. Ako se uvozi roba obračunata u više valuta, za svaku vrstu valute treba podnijeti posebnu prijavu.

(2) U drugu potpodjelu upisuje se ukupna vrijednost robe u fakturi, izražena u valuti iz prve potpodjele.

(3) U prijavi za *ponovni uvoz robe koja je bila privremeno izvezena radi vanjske obrade*, u drugu potpodjelu upisuje se fakturisani iznos (koji se može sastojati od vrijednosti stranog ugrađenog materijala i troškovi obrade).

(4) Kod DTI prijave popunjava se kao u stavu (1) do (3) ovog polja.

Napomena: U polje 22 u sistemu deklarant upisuje fakturisani iznos naznačen u prvoj potpodjeli ovog polja. Ovo polje je u direktnoj vezi sa poljem 46 (statistička vrijednost) u koje polje će sistem automatski, u valuti BIH, upisati vrijednost iz polja 22, korigovanu za iznose troškova i popusta unijetih u "Napomenu o vrijednosti"

(5) Kod DTI prijave za *ponovni uvoz robe koja je bila privremeno izvezena radi vanjske obrade*, kod popunjavanja polja 22 deklarant može da izabere neku od slijedećih opcija:

- a) da u polje 22 unese iznos kojeg čine ukupna vrijednost privremeno izvezeno robe, vrijednost proizvodnih usluga, vrijednost ugrađene strane robe i drugih troškova nastalih izvan carinskog područja BiH, ili
- b) da u polje 22 unese samo vrijednost proizvodnih usluga, vrijednost ugrađene strane robe i drugih troškova nastalih izvan carinskog područja BiH,

(6) Kod obe opcije iz stava (5) ovog polja mora se, popuniti "napomena o vrijednosti" sa iznosima troškova i popusta koji utiču na carinsku osnovicu kompenzirajućih proizvoda, te popuniti i druge odgovarajuće ekrane neophodnim podacima o privremeno izvezenoj robi, kako bi se dobio ispravan obračun indirektnih poreza primjenom člana 147. Zakona.

(7) Kada se primjenjuje član 149. Zakona (kada su u pitanju samo troškovi obrade), deklarant u polje 22 unosi samo vrijednost troškova obrade, u kom slučaju se nikakvi drugi troškovi ili popusti ne unose u "napomenu o vrijednosti", I u polju 46 će biti smao taj iznos, jer sistem neće moći iskazati ispravnu statističku vrijednost.

Polje 23. Kurs valute

(1) Upisuje se kurs valute između valute naznačene u prvoj potpodjeli polja 22 i BiH valute, koji važi na dan utvrđivanja iznosa uvoznih dažbina.

(2) Kod DTI prijave u ovom polju sistem automatski pokazuje kurs valute naznačene u prvoj potpodjeli polja 22 na osnovu svakodnevnog ažuriranja kursne liste u sistemu.

Polje 24. Vrsta transakcije

(1) Upisuje se šifra vrste trgovinskog posla iz Priloga 20 Odluke, koja odgovara komercijalnom sadržaju posla prijavljenog konkretnom prijavom, i to po jedan znak u svako polje.

(2) Šifre iz kolone A upisuju se na lijevu stranu ovog polja (osim šifre 9 gdje to odgovara), a šifre iz kolone B na desnu stranu ovog polja (npr. šifra 11-kupovina robe uz plaćanje, šifra 15-finansijski lizing; šifra 31-humanitarne pošiljke, pošiljke roba u okviru programa obnove i rekonstrukcije; šifra 41-uvoz robe na obradu,...). Kombinacije šifri iz kolone A i B datê su u Prilogu II ovog uputstva.

(3) Kod DTI prijave popunjava se kao u stavu (1) i (2) ovog polja.

Polje 25. Način prevoza na granici

(1) Upisuje se odgovarajuća dvocifrena šifra vrste prevoza iz Priloga 20 Odluke, koji odgovara aktivnom prevoznom sredstvu kojim je roba prešla granicu.

(2) Kod DTI prijave popunjava se kao u stavu (1) ovog polja.

Polje 27. Mjesto istovara

(1) Upisuje se naziv mjesta u kojem se vrši istovar ~~utovar~~ robe sa prevoznog sredstva.

(2) Kod DTI prijave popunjava se unošenjem odgovarajuće petoslovne šifre mjesta istovara robe iz Priloga II ovog uputstva.

Polje 31. Pakovanje i opis robo; Oznake i brojevi - Kontejner br. - Broj i vrsta

(1) U *prvi i drugi red*, odvojeno kosim crtama, upisuje se ukupan broj svih paketa (koleta) koji se odnosi na konkretno naimenovanje, zatim vrsta (*npr. vreća, paket, koleta, bala*) i oznake paketa. Ako se koriste kontejneri, upisuju se njihove identifikacijske oznake.

(2) Ako je u pitanju neupakovana roba upisuje se riječ "rasuto".

(3) Ako je u pitanju roba koja se transportuje fiksnim instalacijama, upisuje se npr. plin, nafta, električna energija ili slično.

(4) Ako se zbog nedostatka prostora u prvi red ne mogu upisati sve oznake pakovanja, upisuje se riječ "specifikacija", a uz prijavu se prilaže specifikacija oznaka pakovanja.

(5) U *treći i ostale redove* ovog polja upisuje se naimenovanje (opis) robe iz Carinske tarife BiH, uobičajeni trgovački naziv robe, kao i podaci (podaci koji određenu robu karakterišu, odnosno robu iste vrste međusobno razlikuju) potrebni za identifikaciju i svrstavanje robe po Carinskoj tarifi BiH i drugim tarifama i propisima koji se primjenjuju na robu (npr. akciza, porez i dr.).

(6) Ako je u pitanju akcizna roba koja se obilježava poreskim ili kontrolnim markicama u ovo polje, poslije opisa robe, upisuju se i podaci o markicama kojima je ta roba obilježena (slovna oznaka serije i serijski broj markice). U nedostatku prostora u polju 31, podaci o markicama upisuju se u polje 44 prijave.

(7) Opis robe mora biti potpun, precizan i nedvosmislen tako da se lako može identifikovati, tj. prepoznati koja je roba predmet konkretnog postupka.

(8) Kod DTI prijave popunjava se kao u stavu (1) i stavu (3) do (7) ovog polja. Ako se primjenjuje stav (2) ovog polja upisuje se odgovarajuća sistemska šifra za rasuto stanje.

Polje 32. Naimenovanje broj

(1) Upisuje se redni broj predmetnog naimenovanja u odnosu na ukupan broj naimenovanja iz polja 5 prijave.

(2) Kada se prijava odnosi na samo jedno naimenovanje, ovo polje se ne popunjava.

(3) Kod DTI prijave ovo polje sistem automatski popunjava.

Polje 33. Šifra robe

(1) U prvu potpodjelu ovog polja, počev od njenog početka, upisuje se desetocifrena tarifna oznaka robe iz Carinske tarife BiH.

(2) U posljednju potpodjelu ovog polja upisuje se posebna (dodatna) šifra za akciznu ili drugu robu (npr. kada je robu iste vrste potrebno razlikovati npr. po vrijednosti, kvalitetu, sastavu ili drugim karakteristikama ili zbog primjene propisa).

(3) Kod DTI prijave upisuje se jedanaest cifara od kojih su prvih deset cifara tarifna oznaka iz Carinske tarife BiH u koju se roba svrstava, a jedanaesta cifra predstavlja dodatni kod putem kojeg se mogu razdvojiti robe iz istog tarifnog stava radi obračuna odgovarajućih indirektnih poreza (npr. kod akciznih roba kod kojih sadržaj određenih supstanci/materija opredjeljuju njeno oporezivanje akcizom).

(4) Kod DTI prijave u postupku carinskog skladištenja sistem zahtijeva da se uvijek popuni ovo polje. Kada u postupku carinskog skladištenja, osim kod carinskog skladišta tipa D, nije potrebno popuniti ovo polje tada se u isto unosi sistemska šifra "9801000000".

Polje 34. Šifra zemlje porijekla

(1) U polje 34a upisuje se odgovarajuća dvoslovna šifra zemlje porijekla robe koja odgovara zemlji navedenoj u polju 16. Ako je u polju 16 upisana riječ "razno" upisuje se šifra zemlje porijekla konkretnog naimenovanja.

(2) Kod DTI prijave unosi se odgovarajuća dvoslovna šifra zemlje porijekla.

Polja 35. Bruto masa

(1) Upisuje se bruto masa robe navedene u polju 31, izražena u kilogramima, zaokruživanjem na dva decimalna broja.

(2) Bruto masa je zbirna masa robe sa cijelim njenim pakovanjem, izuzev kontejnera i druge oprema za prevoz.

(3) Ako bruto masa ne može da se odredi kada su u pitanju robe koja se transportuje fiksnim instalacijama, ovo polje se ne popunjava.

(4) Kod DTI prijave popunjava se kao u stavu (1) i (2) ovog polja. Ako je u pitanju transport fiksnim instalacijama u ovo polje unosi se sistemska šifra "0,01".

Polje 36. Povlastice

(1) Upisuje se odgovarajuća troslovna šifra za zemlju porijekla robe iz Priloga II ovog uputstva, a u vezi primjene ugovora o slobodnoj trgovini koje je BiH zaključila sa drugim zemljama kojima se odobrava preferencijalni tarifni postupak.

(2) Kod DTI prijave popunjava se kao u stavu (1) ovog polja, a sistem provjerava da li je šifra zemlje porijekla robe upisana u polje 34a uskladena sa šifrom iz ovog polja.

Polje 37. Postupak

(1) Popunjava se kako slijedi:

- a) u prvu potpodjelu šifra traženog carinskog postupka koja se sastoji od četiri cifre, od kojih se prve dvije odnose na traženi postupak, a posljednje dvije na prethodni postupak. Ako nije bilo prethodnog postupka posljednje dvije cifre su "00",
- b) prva cifra šifre traženog postupka i broj upisan u drugoj potpodjeli polja 1 prijave moraju biti jednaki,
- c) lista dvocifrenih šifri postupka i način njihovog korištenja kod popunjavanja ovog polja potpunije su propisani Prilogom 20 Odluke, dok su kombinacije traženog i prethodnog postupka u četverocifrenim šiframa date u Prilogu II ovog uputstva,
- d) u drugu potpodjelu upisuje se odgovarajuća šifra iz Priloga II ovog uputstva koja se odnosi na oslobađanje od plaćanja uvoznih dažbina i drugih indirektnih poreza ili naplatu.

(2) Kod DTI prijave popunjava se kao u stavu (1) ovog polja.

Polje 38. Neto masa

(1) Upisuje se neto masa robe navedene u polju 31, izražena u kilogramima, zaokruživanjem na dva decimalna broja.

(2) Neto masa je masa same robe bez njenog pakovanja.

(3) Ako neto masa ne može da se odredi kada su u pitanju robe koja se transportuje fiksnim instalacijama, ovo polje se ne popunjava.

(4) Kod DTI prijave popunjava se kao u stavu (1) i (2) ovog polja. Ako je u pitanju transport fiksnim instalacijama u ovo polje unosi se sistemska šifra "0,01".

Polje 39. Kvota

(1) Ako deklarant, u smislu člana 208. Odluke, traži korištenje tarifnog kontigenta, u ovo polje upisuje se broj "1", u protivnom se ne popunjava.

(2) Ukoliko nadležni organ odobri deklarantu korištenje tarifnog kontigenta, tada se podaci o broju i datumu odluke, koja čini sastavni dio carinske prijave, upisuje u inspeksijski akt dotične prijave, kao i u polju E/J. carinske prijave u pisanom obliku, odnosno na poledini kod DTI prijave.

(3) Kod DTI prijave popunjava se kao u stavu (1) i (2) ovog polja.

Polje 40. Zbirna prijava/prethodni dokument

(1) Upisuje se, odvojeno kosim crtama: šifra organizacione jedinice u kojoj je vođen prethodni carinski postupak, odnosno prethodno carinski odobreno postupanje ili upotreba, šifra vrste prijave koja se odnosi na prethodni postupak (npr. IM 7, EX 2 ...), evidencijski broj prijave iz kontrolnika i dvije posljednje cifre godine u kojoj je ona sačinjena ili podaci o odgovarajućem carinskom dokumentu. Ukoliko ne postoji prethodna prijava upisuje se šifra "1".

(2) Ako je prethodni postupak vođen na osnovu više prethodnih prijava, u ovo polje upisuje se riječ "spisak", a uz prijavu se prilaže spisak prethodnih isprava sa podacima navedenim u prethodnom stavu ovog polja.

(3) Kod DTI prijave popunjava se kao u stavu (1) i (2) ovog člana.

Polje 41. Dopunska jedinica

(1) Upisuje se količina robe u jedinici mjere propisane Zakonom o carinskoj tarifi BiH.

(2) Kod DTI ovo polje sistem otvara ovisno od tarifne oznake robe upisane u polju 33 prijave i u otvoreno polje upisuje se količina robe iskazana u naznačenoj dopunskoj jedinici mjere koja je propisana u koloni 3 Carinske tarife BiH.

Polje 42. Cijena naimenovanja

(1) Upisuje se vrijednost iz fakture za robu prijavljenu u naimenovanju, u valuti iz prve potpodjele polja 22. Pri ponovnom uvozu proizvoda dobivenih u vanjskoj obradi, upisuje se iznos koji je jednak dodatoj vrijednosti (vrijednost ugrađene strane robe i vrijednost proizvodne usluge).

(2) Kod DTI prijave sistem automatski popunjava ovo polje nakon unosa podataka na dodatnom ekranu "*napomena o vrijednosti*". Puni iznos iz fakture, upisan u polju 22, biće automatski prikazan u "*opštem dijelu napomene o vrijednosti*", a potom treba unijeti iznose troškova i popusta koji utiču na utvrđivanje carinske osnovice, kao što su troškovi vozarine, osiguranja, ostali troškovi ipopusti, kao i ukupan iznos unutrašnjih zavisnih troškova koji utiču na utvrđivanje osnovice za porez na dodatu vrijednost.

(3) U "*napomeni o vrijednosti - dio za naimenovanje*" upisuje se vrijednost robe iz fakture koja se odnosi na konkretno naimenovanje u valuti iz polja 22, a unijete troškove i popuste u "*opštem dijelu napomene o vrijednosti*" sistem će raspodijeliti po naimenovanjima srazmjerno vrijednostima roba iz tih naimenovanja. Ako se neki troškovi i popusti ne odnose na sva naimenovanja potrebno je u sistemu isključiti "*raspodjelu po vrijednosti*" putem lokalnog menija (F9) na opciji: radni mod, a uključiti opciju: "nema dodjele" i u tom slučaju raspodjelu troškova i popusta po naimenovanjima izvršiti ručno, te njihove iznose unijeti u "*napomeni o vrijednosti - dio za naimenovanje*".

(4) Ako je po prijavi prijavljeno više vrsta roba, ukupan iznos vrijednosti roba iz polja 42 po naimenovanjima mora odgovarati ukupnoj vrijednosti iz fakture koja je upisana u polje 22.

(5) Iako se u postupku carinskog skladištenja ne popunjava polje 22 i 42, ali zbog tehničkih zahtjeva, sistem će zahtijevati da se u ekranu "*napomena o vrijednosti*" unese vrijednost. Radi jednoobraznosti i prepoznatljivosti potrebno je unijeti iznos od 0,01 BAM za svako naimenovanje. Odgovarajuće iznose sistem će automatski upisati i u polje 42, 46 i 47 prijave.

(6) Ukupan iznos unutrašnjih zavisnih troškova koji ulaze u osnovicu za porez na dodatu vrijednost, a ne ulaze u carinsku osnovicu, unose se u "*napomeni o vrijednosti*" stavka pod nazivom: "unutrašnji zavisni troškovi".

Polje 44. Dodatne informacije, priložene isprave, uvjerenja i odobrenja

(1) U prvi red, zavisno od postupka koji se provodi nad robom, odvojeno kosim crtama, upisuju se odgovarajuće šifre dokumenata koji su prilaženi uz prijavu iz Priloga II ovog uputstva, potrebni su za provođenje konkretnog postupka.

(2) U drugi red, odvojeno kosim crtama, upisuju se oznake i brojevi priloženih dokumenata prema redoslijedu navedenih šifara u prvom redu, uključujući i redne brojeve bilo kojeg kontrolnog primjerka T5.

(3) Za priložene dokumente koji se odnose na sva naimenovanja prijave, šifre i podaci upisuju se samo kod prvog naimenovanja.

(4) U treći red upisuje se, odvojeno kosim crtama, ovisno o paritetu isporuke, vrsta i iznos troškova i popusta koji utiču na utvrđivanje carinske osnovice, kao i iznos zavisnih unutrašnjih troškova koji ulaze u osnovicu poreza na dodatu vrijednost. Iznos troškova, popusta i zavisnih unutrašnjih troškova koji se odnose na svu robu prijavljenu po prijavi upisuju se u prvom naimenovanju, a specifični troškovi i popusti koji se odnose na pojedine robe upisuju se samo u naimenovanju tih roba.

(5) U četvrti red, odvojeno kosim crtama, gdje to odgovara upisuju se podaci o odbrenju (broj i godina odobrenja za provođenje postupka iz polja 37 prijave i šifra nadzornog ureda) i specifične oznake propisane članom 346. i 347. Odluke.

(6) Potpodjela "Šifra dodatnih informacija (DI)" se ne popunjava.

(7) Kod DTI prijave u sistemu u ovom polju u prvom redu nalaze se samo iznosi troškova i popusta uneseni u dodatni ekran "*napomena o vrijednosti*" i *to za dato naimenovanje*, a u drugom redu nalaze se samo šifre priloženih dokumenta zahtijevane od strane sistema za odgovarajući carinski postupak. Detaljni podaci o dokumentima priloženim za konkretnu prijavu unose se na ekranu "*priloženi dokumenti*" prilikom lokalne provjere prijave.

Polje 46. Statistička vrijednost

(1) Upisuje se vrijednost robe u BiH valuti.

(2) Ako je ugovoreno mjesto isporuke robe u inostranstvu, vrijednost iz fakture povećava se za troškove prevoza, osiguranja i dopremanja robe od mjesta isporuke do granice BiH.

(3) Ako je ugovoreno mjesto isporuke robe u BiH, vrijednost iz fakture umanjuje se za troškove prevoza, osiguranja i dopremanja robe od granice BiH do mjesta isporuke u BiH.

(4) U *prijavi za ponovni uvoz* proizvoda dobivenih u postupku vanjske obrade, u ovo polje upisuje se iznos kojeg čine ukupna vrijednost izvezene robe radi postupka vanjske obrade, vrijednost proizvodnih usluga, vrijednost ugrađene strane robe i drugih troškova nastalih izvan carinskog područja BiH.

(5) Kod DTI prijave sistem automatski popunjava ovo polje, ovisno od popunjavanja polja 22 i unesenih troškova i popusta koji utiču na carinsku osnovicu.

Polje 47. Obračun indirektnih poreza

(1) Popunjava se kako slijedi:

- a) u prvu podjelu (vrsta) - šifra vrste indirektnog poreza iz Priloga II ovog uputstva,
- b) u drugu podjelu (osnovica) - vrijednost u BiH valuti ili količina robe ili druga propisana osnovica za obračun indirektnog poreza iz prve podjele,
- c) u trećoj podjeli (stopa) - stopa indirektnog poreza navedene u prvoj podjeli,
- d) u četvrtoj podjeli (iznos) - iznos indirektnog poreza u BiH valuti,
- e) u petoj podjeli (NP) - šifra načina plaćanja ili obezbjeđenja carinskog duga iz Priloga 20 Odluke, i to kod svakog indirektnog poreza:
 - 1) šifra "0" - obezbjeđenje garancijom,
 - 2) šifra "1" - plativi indirektni porez ili
 - 3) šifra "2" - nema plaćanja,

f) u zadnji red ovog polja (ukupno) upisuje se ukupan iznos indirektnih poreza za predmetno naimenovanje.

(2) Ukoliko ima više naimenovanja, ukupan iznos indirektnih poreza za sva naimenovanja upisuje se u polje 47 namijenjenom za zbirni iznos indirektnih poreza na posljednjem korištenom BIS obrascu prijave. U posljednjem redu tog polja, poslije riječi "ukupno" upisuje se iznos indirektnih poreza za plaćanje i šifra "1".

(3) Ako nije nastala obaveza plaćanja ili obezbjeđenja carinskog duga ovo polje se ne popunjava.

(4) Kod DTI prijave u svim uvoznim postupcima sistem automatski obračunava indirektnu poreze prema podacima unijetim u ostalim poljima prijave primjenom stava (1) i (2) ovog polja.

Polje 48. Odloženo plaćanje

(1) Upisuje se, odvojeno kosim crtama, šifra vrste garancije iz priloga 20 Odluke, broj i godina pod kojim je garancija prihvaćena kod garantnog ureda i šifra garantnog ureda.

(2) Ako u postupku puštanja robe u slobodan promet nastaje obaveza plaćanja dažbina, njihovo plaćanje može biti obezbijeđeno valjanom garancijom samo u roku za plaćanje carinskog duga propisanog članom 215. Zakona ili u roku za odgođeno plaćanje odobrenog u skladu sa članom 218, 219. ili 220. Zakona.

(3) Ako u postupku puštanja robe u slobodan promet nastaje obaveza plaćanja dažbina, a ovo polje nije popunjeno, mora se odmah izvršiti plaćanje dažbina.

(5) Kod DTI prijave primjenjuje se stav (1) do (3) ovog polja.

Polje 49. Identifikacija skladišta

(1) Upisuje se, odvojeno kosim crtama, šifra nadzornog ureda i identifikacioni broj skladišta iz odobrenja o radu carinskog skladišta.

(2) Ovo polje popunjava se kod prijave za postupak carinskog skladištenja i u slučajevima kada je roba prije zahtijevanog carinskog postupka bila u postupku carinskog skladištenja.

(3) Kod DTI prijave, u sistemu ovo polje se sastoji od dva dijela, koje sistem po potrebi otvara, a upisuje se:

- a) u prvi dio polja - identifikacioni broj skladišta u kojem je roba uskladištena,
- b) u drugi dio polja - rok odobrenog postupka iskazan u broju dana. U postupku carinskog skladištenja, zbog tehničkih zahtjeva sistema, upisuje se maksimalni sistemski broj dana 1095.

Polje 54. Mjesto i datum; Potpis i ime deklaranta/zastupnika

(1) Upisuje se mjesto i datum podnošenja prijave, a zatim se u slučaju direktnog zastupanja obavezno upisuje šifra "DZ", a kod indirektnog zastupanja šifra "IZ".

(2) Odgovorna osoba u deklaranta/zastupnika upisuje svoje ime i prezime i stavlja svoj potpis.

(3) Original svojeručnog potpisa odgovorna osoba mora staviti na primjerak prijave koji ostaje kod odredišnog carinskog ureda. Ako je deklarant/zastupnik pravno lice, upisuje se naziv i adresa firme, ime i prezime odgovorne osobe deklaranta/zastupnika koji se lično potpisuje i navodi funkciju, te stavlja otisak pečata.

(4) Kod DTI prijave sistem automatski upisuje samo datum podnošenja prijave i korisničko ime odgovorne osobe u deklaranta/zastupnika dodijeljenog joj za rad na carinskom serveru. Original svojeručnog potpisa i šifru "DZ" ili "IZ" (u zavisnosti koji oblik zastupanja je u pitanju) odgovorna osoba mora staviti na primjerak prijave koji ostaje kod odredišnog carinskog ureda (kao i naziv funkcije u deklaranta/zastupnika ako je u pitanju pravno lice i otisak pečata).

Član 12.

(Popunjavanje prijave kod prenosa sa jednog na drugog nosioca odobrenja)

Kada se, u skladu sa članom 311. Odluke, roba ili proizvodi prenose od jednog nosioca odobrenja do drugog bez razduživanja aranžmana prijava se popunjava u skladu sa odredbama Priloga 46 Odluke i njegovog dodatka.

GLAVA V - POPUNJAVANJE POLJA PRIJAVE OZNAČENIH SLOVIMA

Član 13.

(Popunjavanje polja prijave označenih slovima)

(1) Polja prijave označena slovima popunjava carinski ured ili drugo ovlašteno tijelo ako je to predviđeno propisima, zavisno od postupka koji zahtjeva deklarant/zastupnik. Ako polje popunjava carinski službenik, mora se na svim primjercima prijave potpisati.

(2) Polja prijave označena slovima podnijete u pisanom obliku ili DTI prijave, popunjavaju se na način kako je u daljem tekstu ovog člana navedeno kod pojedinih polja prijave (i to prvo odredbe za prijave u pisanom obliku, a potom za DTI prijave).

Polje A. URED OTPREME/IZVOZA/ODREDIŠTA

(1) Upisuje se kako slijedi:

- a) u prvi red naziv carinskog ureda kojem se roba prijavljuje, odnosno zahtijeva neki od carinskih postupaka,
- b) u drugi red, odvojeno kosim crtama, šifra ureda iz prvog reda, zatim registarski broj iz odgovarajućeg kontrolnika (prema vrsti prijave) i datum prihvatanja,
- c) u treći red, odvojeno kosim crtama, vrijeme prihvatanja prijave, te službena šifra i potpis ovlaštenog carinskog službenika.

(2) Datum prihvatanja prijave je datum kada je roba pokazana carinskom uredu i prijava se smatra prihvatljivom ako su u istoj unijeti svi podaci u polja koja se trebaju popuniti za odnosnu prijavu i priložena su sva dokumenta potrebna za odobravanje puštanja robe po zahtjevanom carinskom postupku, bez odstupanja od odredbi kojima su regulisane nepotpune prijave.

(3) Ako je prijava podnijeta prije nego što je roba stigla i pokazna nadležnom carinskom uredu ista ne može biti prihvaćena i smatra se da nije ni podnijeta, ne isključujući primjenu člana 109. Odluke.

(4) Kod DTI prijave sistem automatski upisuje:

- a) u prvi red šifru organizacione jedinice kojoj se roba prijavljuje,
- b) u drugi red naziv organizacione jedinice čija je šifra upisana u prvom redu,
- c) u treći red jedinstveno slovo iz "registarskog broja prijave" (kod uvoznih i izvoznih prijava to je slovo C, a kod TR prijave to je slovo D), zatim broj pod kojim je prijava registrovana u kontrolniku, odnosno na serveru i datum registracije-prihvatanja prijave (npr. C 1350 Datum: 20/03/2005 ili D 1800 20/04/2005), a
- c) na odšampanoj prijavi carinski službenik ručno upisuje vrijeme prihvatanja prijave, te stavlja svoju službenu šifru i potpis.

Polje B. RAČUNOVODSTVENI PODACI

Ovo polje se popunjava samo kod DTI prijave i to kod uvoznih i izvoznih postupaka (ne popunjava se kod postupka provoza), tako što sistem automatski upisuje:

- a) u prvi red jedinstveno slovo "L" iz "broja procjene", broj i datum procjene prijave (npr. L 3200 Datum: 20/02/2005),
- b) u drugi red jedinstveno slovo "R" iz "broja priznanice", broj i datum priznanice (npr. R 1200 Datum: 21/02/2005). Broj i datum priznanice je broj i datum pod kojim je u sistemu evidentirana uplata indirektnih poreza za predmetnu prijavu. U ovo polje sistem automatski unosi napomene vezane za obračun indirektnih poreza.

Polje D/J. KONTROLA POLAZNOG/ODREDIŠNOG UREDA

(1) Upisuje se kako slijedi:

- a) u prvi red (rezultat): podaci koji se odnose na pregled i utvrđeno stanje robe, ili ako je o tome, zavisno od vrste i drugih karakteristika robe, sačinjen zapisnik, tada se u ovaj red upisuju riječi: "zapisnik u prilogu",
- b) u drugi red (stavljene plombe: broj:): ukupan broj stavljenih carinskih plombi,
- c) u treći red (identitet): identifikacijske oznake stavljenih carinskih plombi,
- d) u četvrti red, odvojeno kosim crtama, kod svih carinskih postupaka: datum i vrijeme kada je roba puštena (član 4. tačka 20. Zakona),

- e) u peti red (potpis): odvojeno kosim crtama, rok ponovnog uvoza/izvoza gdje to odgovara ili kod *provoznog postupka* rok do kojeg se roba mora predati odredišnom carinskom uredu, zatim službene šifre i potpis službenika koji su izvršili pregled robe, odnosno priloženih dokumenata,
- f) u gornjem desnom uglu ovog polja (pečat) stavlja se otisak službenog pečata nadležnog carinskog ureda.

(2) Kod DTI prijave ovo polje se u sistemu otvara samo kod postupka provoza i isto se popunjava kao u stavu (1) ovog polja. Kod ostalih carinskih postupaka ovo polje se ne otvara u sistemu, te podaci koji se unose u ovo polje moraju biti upisani ručno, bez obzira da li je DTI prijava odšampana na obrascu JCI ili na bijelom papiru i na istu se stavlja otisak službenog pečata nadležnog carinskog ureda.

Polje E/J. KONTROLA OD STRANE OTPREMNOG/IZVOZNOG/ODREDIŠNOG UREDA

- (1) Polje E nalazi se na poledini primjerka 1 i 6 prijave.
- (2) Upisuju se podaci koji zbog nedostatka prostora nisu mogli biti upisani u polje D/J. U ovo polje upisuju se i razlozi zbog kojih prijava nije prihvaćena.

Polje F. OVJERA NADLEŽNIH ORGANA

- (1) Polje F nalazi se na primjercima 4 i 5 i na dvonamjenskom primjerku 4/5 prijave.
- (2) Polje F popunjava carinski službenik ili službenik drugog ovlaštenog tijela, ako je popunjeno polje 55 prijave i u drugim situacijama gdje to odgovara (npr. član 232. Odluke).
- (3) Popunjava se kako slijedi:
 - a) u prvi red (nove plombe: br.) upisuju se brojevi novih plombi nakon pretovara robe u drugo prevozno sredstvo, a pod (identitet) upisuju se registarske oznake prevoznog sredstva na koje je roba pretovarena,
 - b) u drugi red (potpis) potpisuje se ovlašteni službenik, a u desni ugao polja stavlja otisak službenog pečata,
 - c) ako su obavljena dva pretovara popunjava se i druga potpodjela ovog polja.
- (4) Polje F. popunjava se u postupku provoza ako se roba pretovara na drugo prevozno sredstvo.

Polje G. OVJERA OD STRANE NADLEŽNOG ORGANA

- (1) Ovo polje nalazi se na poledini primjerka 4 i 5 i dvonamjenskog primjerka 4/5 prijave.
- (2) U ovom polju nadležni organ vrši ovjeru podataka koje je naveo u polju 55 i 56 prijave.

Polje H. KONTROLA NAKON CARINJENJA (kada se ovaj primjerak koristi za utvrđivanje BiH statusa robe)

Polje H nalazi se na poledini primjerka 4 i dvonamjenskog primjerka 4/5 prijave.

Polje I. KONTROLA OD STRANE ODREDIŠNOG UREDA (PROVOZ)

- (1) Polje nalazi se na poledini primjerka 4 i 5 i dvonamjenskog primjerka 4/5 prijave, a popunjava ga odredišni ured.
- (2) U prvu potpodjelu upisuje se:
 - a) u prvi red (Datum dolaska): datum dolaska robe u odredišni ured,
 - b) u drugi red (Pregled plombe): ustanovljeno stanje carinskih obilježja-plombi,
 - c) u treći red (Napomena): moguće nepravilnosti tokom provoza i nalazi odredišnog ureda o stanju robe ako je izvršen fizički pregled robe, a ako prijemu robe nije prethodio pregled tada se ne unosne nikakve naznake o nalazu odredišnog ureda).
- (3) U drugu potpodjelu upisuje se:
 - a) u drugi red (Dana): datum slanja polaznom uredu primjerka 5 provodne prijave i šifra odredišnog ureda,
 - b) u četvrti red (Br.): evidencijski broj i datum iz postojećeg kontrolnika završenih provoza kojeg vodi odredišni ured,
 - c) u peti red (Potpis Pečat): službena šifra i potpis carinskog službenika i otisak pečata odredišnog ureda koji je primio robu.

GLAVA VI - OBRADA I OVJERA PRIJAVE

Član 14. (Obrada i ovjera prijave)

(1) Kada je prijava podnijeta u pisanom obliku, ovlašteni carinski službenik vrši unos podataka iz prijave u sistem radi njene obrade, koji način unosa podataka iz prijave se ne smatra DTI prijavom. Nakon unosa podataka iz prijave u pisanom obliku u sistem, ista se u sistemu obrađuje kao i DTI prijava.

(2) Stav (1) ovog člana primjenjuje se i kod podnošenja ZP ako je tehnički moguće obraditi ZP u sistemu, u protivnom ZP se obrađuje ručno.

(3) Prijava u pisanom obliku i DTI prijava mora sadržavati potpis i ovjeru deklaranta/zastupnika, a nakon provedenog postupku po prijavi istu ovjerava (polje D/J) ovlašteni carinski službenik na svim primjercima.

(4) Stav (3) ovog člana primjenjuje se i na DTI prijave odštampane na zelenom obrascu JCI.

GLAVA VII - OBRAZAC I NAČIN POPUNJAVANJA ZBIRNE PRIJAVE

Član 15. (Obrazac zbirne prijave i način korištenja)

(1) Zbirna prijava (u daljem tekstu: ZP) je obrazac koji se koristi za prijavljivanje robe carinskom uredu i za stavljanje robe u "privremeni smještaj".

(2) U pogledu dimenzija obrazca ZP i štampanja, primjenjuju se odredbe člana 122. stav 1. (prva i druga rečenica), te stav 5. i 6. istog člana Odluke. Obrazac ZP dat je u Prilogu III ovog uputstva i čini njegov sastavni dio.

(3) Set obrasca ZP sastoji se od tri primjerka, a listovi su označeni i namijenjeni su:

- a) list broj 1, odštampan crvenom bojom - nadležnom carinskom uredu,
- b) list broj 2, odštampan zelenom bojom - deklarantu i
- c) list broj 3, odštampan plavom bojom - licu koje upravlja prostorom za privremeni smještaj robe.

(4) Ukoliko roba koja je dopremljena carinskom uredu ostaje u prevoznom sredstvu dok je u statusu privremenog smještaja podnose se samo prva dva lista.

(5) Ukoliko se roba istovara sa prevoznog sredstva u odobreni prostor za privremeni smještaj do određivanja robe carinski odobrenog postupanja ili namjene, tada se podnosi i treći list koji je i namijenjen držaocu tog prostora.

(6) Polja ZP označena brojevima popunjava deklarant, a polja označena slovima nadležni carinski ured, pisaćom mašinom ili ručno čitkim slovima, a podaci se ne mogu precrtavati ili ispravljati.

Član 16. (Popunjavanje polja ZP označenih brojevima)

(1) U ZP polja označena brojevima popunjavaju se na način kako je to u daljem tekstu, za svako pojedino polje, navedeno.

Polje 1. Deklarant:

(1) Upisuje se:

- a) u prvi red, pored oznake I.B., upisuje se identifikacioni broj deklaranta. Ako deklarant nema identifikacionog broja, upisuje se odgovarajuća zajednička šifra (vidi polje 2 iz člana 8. ovog uputstva),
- b) u drugi red naziv deklaranta,
- c) u treći red sjedište, odnosno prebivalište/boravište i adresa deklaranta.

Polje 2. Obrasci:

U prvu potpodjelu upisuje se ukupan broj podnijetih obrazaca ZP za konkretnu pošiljku, a u drugu potpodjelu redni broj obrasca.

Polje 3. Stavke

Upisuje se ukupan broj stavki roba prijavljenih po svim podnijetim obrascima ZP za predmetnu pošiljku.

Polje 4. Identitet, nacionalnost i vrsta prevoznog sredstva:

(1) Upisuje se:

- a) u prvi red upisuju se podaci o prevoznom sredstvu na koje je roba direktno natovarena i to:
 - 1) za pošiljke u drumskom saobraćaju, odvojeno kosom crtom, registarski broj vozila i prikolice ako je vozilo ima i dvoslovnja šifra zemlje koja označava nacionalnost tog prevoznog sredstva iz Priloga 55 Odluke,
 - 2) za pošiljke u željezničkom saobraćaju, broj vagona,
 - 3) ako se roba prevozi vazduhoplovom, broj i datum leta.
 - 4) ako se roba prevozi brodom, naziv i oznaka broda.
- b) u drugi red odgovarajuća šifra vrste prevoza iz Priloga 20 Odluke, koji odgovara prevoznom sredstvu.

Polje 5. Priložene isprave i dodatne informacije

Upisuju se podaci o vrsti i identifikaciji priloženih isprava, kao i drugi podaci koji nisu mogli da se unesu u druga polja. Podaci se upisuju u šifarskom obliku ako su određeni, a mogu se upisati i riječima.

Polje 6. Identifikacija prostora za privremeni smještaj

Upisuju se, odvojeno kosim crtama, šifra, odnosno identifikacioni broj prostora za privremeni smještaj robe i broj iz evidencije držaoca prostora za privremeni smještaj.

Polje 7. Datum i vrijeme smještaja

Upisuju se, odvojeno kosim crtama, datum i vrijeme smještaja robe u prostor za privremeni smještaj.

Polje 8. Osiguranje

Upisuju se, odvojeno kosim crtama, šifra vrste garancije iz Priloga 20 Odluke, broj i godina pod kojim je garancija prihvaćena kod garantnog ureda i šifra tog ureda.

Polje 9. Redni broj

Upisuje se redni broj pod kojim je roba navedena u ZP.

Polje 10. Broj prevozne/prethodne isprave

(1) Upisuje se broj prevozne isprave (tovarnog lista).

(2) Ako je roba prije podnošenja ZP bila predmet carinskog postupka, odvojeno kosim crtama, upisuje se: šifra organizacione jedinice u kojoj je vođen prethodni carinski postupak, odnosno prethodno carinsko odobreno postupanje ili upotreba, šifra vrste prijave koja se odnosi na prethodni postupak, evidencijski broj prijave iz kontrolnika i dvije posljednje cifre godine u kojoj je ona nastala ili podaci o odgovarajućem carinskom dokumentu.

Polje 11. i 14. Broj, vrsta i oznake koleta i opis robe

Upisuju se, odvojeno kosim crtama, ukupan broj, vrsta, oznake koleta i uobičajeni trgovački naziv robe.

Polje 12. Bruto masa u kg

Upisuje se bruto masa robe u kilogramima, zaokruživanjem prema bližoj vrijednosti kilograma.

Polje 13. Isprava

Upisuju se podaci o prijavi kojom je robi iz privremenog smještaja određeno carinski odobreno postupanje ili upotreba.

Polje 16. Mjesto i datum, potpis, ime i prezime deklaranta

(1) Upisuje se mjesto i datum podnošenja ZP i identifikacioni broj deklaranta.

(2) Ako je deklarant fizičko lice upisuje svoje ime i prezime, jedinstven matični broj građana i to ovjerava potpisom.

(3) Ako je deklarant pravno lice stavlja otisak službenog pečata.

Član 17.

(Popunavanje polja ZP označenih slovima)

U ZP polja označena slovima popunjava nadležni carinski ured na način, kako je to u daljem tekstu za svako pojedino polje navedeno.

Polje A. Odredišni ured

Upisuje se:

- a) u prvi red upisuje se naziv carinskog ureda kojem se roba prijavljuje,
- b) u drugi red, odvojeno kosim crtama, šifra carinskog ureda iz prvog reda, evidencijski broj iz kontrolnika ZP i datum podnošenja ZP,
- c) u treći red, odvojeno kosim crtama, vrijeme podnošenja ZP, službeni broj i potpis ovlaštenog carinskog službenika koji je prihvatio ZP.

U polje B. Napomena

Upisuju se podaci koji nisu mogli da se unesu u druga polja sa naznačenjem broja polja na koje se ti podaci odnose.

U polje C. Rok privremenog smještaja

Upisuje se, u odgovarajuće redove, rok privremenog smještaja, tj. rok do kada roba treba odrediti carinski odobreno postupanje ili upotrebu, službena šifra i potpis carinskog službenika koji je pregledao robu, broj i datum ZP iz kontrolnika tih prijave, te datum i otisak pečata carinskog ureda.

Član 18.

(Kontrolnik ZP)

(1) Za robu koja je prijavljena ZP ili je odobren privremeni smještaj na temelju druge isprave, carinski ured vodi kontrolnik ZP, koji sadrži: redni broj upisa, serijski broj i datum ZP prijave ili broj i datum provodne prijave ako je u pitanju primjena člana 19. ovog uputstva, datum i vrijeme privremenog smještaja, podatke o deklarantu, vrsti i količini robe, broj koleta, bruto masa, broj prethodne prijave ako postoji, podatke o prostoru gdje je roba smještena i držaocu prostora, uključujući i identifikacioni broj prostora i broj i datum odobrenja za prostor za privremeni smještaj ako postoje, rok privremenog smještaja i podatke o prijavama kojima se razdužuje privremeni smještaj i kolonu za napomene.

(2) Kontrolnik ZP vodi se ručno, ukoliko to nije tehnički moguće sistemu, pri čemu se treba imati u vidu da roba koja je privremeno smještena po jednoj ZP ili provodnoj prijavi može biti razdužena po više prijave (u zavisnosti npr. od broja korisnika robe, broja carinski odobrenih postupanja ili upotrebe za robu), koje prijave moraju biti evidentirane u navedenom kontrolniku.

Član 19.

(Privremeni smještaj robe na osnovu provodne prijave)

(1) Stavljanje robe u privremeni smještaj može se odobriti i na osnovu provodne prijave (TR prijava) koja je robu u postupku provoza dopratila do odredišnog ureda.

(2) Kada se za privremeni smještaj robe koristi provodna prijava, u zavisnosti koja situacija je u pitanju, postupa se na slijedeći način:

- (a) u slučajevima kada deklarant za dio pošiljke obuhvaćene jednom provodnom prijavom zahtijeva privremeni smještaj, a za dio ulazak u carinski odobreno postupanje ili upotrebu (npr. puštanje u slobodan promet, unutrašnju obradu i dr.), provodna prijava se razdužuje istovremenim podnošenjem ZP za dio pošiljke koja se stavlja u privremeni smještaj i prijave za dio pošiljke koji se stavlja u carinski odobreno postupanje ili upotrebu.

- (b) u slučajevima kada se, po zahtjevu deklaranta, cjelokupna pošiljka obuhvaćena jednom proвозnom prijavom stavlja u privremeni smještaj, za *privremeni smještaj robe* ne podnosi se ZP, već se privremeni smještaj robe odobrava na osnovu proвозne prijave koja je doprtila robu, na slijedeći način:
- 1) na primjerku 5 proвозne prijave odredišni ured potvrđuje prijem robe polaznom uredu, a
 - 2) na primjerku 4 proвозne prijave koji zadržava odredišni ured (u polju "H") carinski službenik odobrava privremeni smještaj robe stavljanjem zabilješke koja treba da sadrži: naznaku "privremeni smještaj", podatke o prostoru i držaocu prostora, podatke o garanciji kojom se obezbjeđuje eventualni carinski dug, broj iz kontrolnika ZP pod kojim je evidentirana proвозna prijava (član 18. stav (1) ovog uputstva), datum i vrijeme privremenog smještaja i rok do kojeg je odobren privremeni smještaj;
 - 3) prednje navedenu zabilješku potpisuje carinski službenik (šl.šifra, potis i ovjera službenim pečatom), deklarant i lice koje upravlja prostorom u koji je roba privremeno smještena, a potom primjerak 4 proвозne prijave zadržava za službene potrebe, a po jednu njegovu kopiju dostavlja deklarantu i licu koje upravlja prostorom za privremeni smještaj.

GLAVA VIII - PRELAZNE I ZAVRŠNE ODREDBE

Član 20.

(Odredene specifičnosti kod podnošenja prijave)

(1) Kada se odredišnom uredu istovremeno predoči roba koja je u taj ured stigla po više TR prijave za istog primaoca od istog pošiljaoca, radi ekonomičnosti carinskog postupka, za svu robu može se podnijeti jedan JCI za zahtjevani carinski postupak, sa odgovarajućim brojem potrebnih naimenovanja. U tom slučaju, uz ostalu dokumentaciju, deklarant prilaže specifikaciju koja treba da sadrži: broj i datum, podatke o brojevima i iznosima faktura, prevoznim sredstvima, TR prijavama i ovjeru deklaranta, a u polje 18, 21, 40, 44 upisati riječ "specifikacija", a prijava se, bez obzira na dodijeljeni selektivitet od strane sistema, preusmjerava na crvenu traku (potpuna kontrola robe i dokumenata).

(2) Po jednom JCI-u mogu se prijaviti samo robe za koje su u svim naimenovanjima ista šifra postupka u prvoj potpodjeli polja 37.

(4) Ukupan broj naimenovanja na jednom JCI-u može iznositi najviše 20.

Član 21.

(Sastavni dio uputstva)

(1) Sastavni dio ovog uputstva čine: Prilog I u kojem je dat izgled i sadržaj obrasca otpremnice iz člana 2. stav (5) ovog uputstva, Prilog II koji sadrži odgovarajuće šifre za popunjavanje polja 24, 27, 31(kod DTI prijave), 36, 37, 44 i 47 (prva potpodjela) prijave, šifre carinskih ureda koje se unose u odgovarajuća polja prijave i druge odgovarajuće šifre za pojedina polja prijave, Prilog III u kojem je dat izgled i sadržaj obrasca ZP i Prilog IV koji sadrži pregled polja prijave po vrstama carinskih postupka koja se popunjavaju po ovom uputstvu.

(2) Šifre iz Priloga II ovog uputstva mogu se, bez izmjena i dopuna ovog uputstva, dopunjavati i mijenjati, kada je to potrebno radi primjene važih propisa.

Član 22.

(Stavljanje van snage, primjena i objava)

(1) Danom početka primjene ovog uputstva stavlja se van snage Uputstvo o popunjavanju carinske prijave u pisanom obliku i zbirne prijave, broj: 01-18-4150-4/05 od 28.07.2005. godine i Uputstvo o izmjeni Uputstva o popunjavanju carinske prijave u pisanom obliku i zbirne prijave, broj: 01-18-4150-7/05 od 03.10.2005.

(2) Ovo uputstvo stupa na danom donošenja, a primjenjuje se od 01. januara 2006. godine.

(3) Ovo uputstvo objaviće se na Web stranici Uprave.